



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>




29.

503.



600003985V




29.

503.



600003985V





# HUGONIS GROTH

AD IOH. OXENSTIERNAM

ET IOH. ADL. SALVIUM,

ET

IOHANNIS OXENSTIERNÆ

AD CERISANTEM,

EPISTOLAE INEDITAE.

---

EX COD. M. S. BIBLIOTHECAE HANNOVERANAE REGIAE

NUNC PRIMUM EDENDAS CURAVIT

INSTITUTI REGII BELGICI  
CLASSIS TERTIA.

---

*HARLEMI,*

EX OFFIC. VIDUAE A. LOOSJES, Pr.

MDCCCXXIX.

503.





202.



**P**ostquam cognovit Institutum Regii Belgici Classis secunda, quae Historiae Patriae et literarum Belgicarum causam tuetur, in Bibliotheca Regia Hannoverana asservari Codicem M. S., quo complures continerentur Hugonis Grotii Epistolae ineditae, adiit Ministrum rerum regni internarum, cui cura artium etiam et literarum in Belgio mandata est, petiitque a Viro Excell. ut suam adhibere operam vellet, qua opportunitas daretur Codicem illum accuratius explorandi, ut constaret, an Historiae patriae, vel literarum studium ex editis illis Epistolis commodi aliquid atque incrementi percipere posset.

Benevolentia cum Legatorum aularum et Belgicae et Hannoveranae, tum praefectorum Bibliothecae regiae, quae Hannoveriae est, effectum fuit, ut Codex huc delatus et secundae Classi traditus sit. Explorato vero Codice vidit Clas-

sis, Epistolas eo contineri, plerasque Latino sermone, paucas Suecica lingua conscriptas; vidit in iis agi de rebus Historiam potius Europae universam quam peculiarem patriae Historiam spectantibus. Quamobrem ulteriorem huius rei indagationem tertiae Classi, cui ab Historia gentium universali et literarum exterarum studiis nomen est, commendandam esse censuit, quo factum est, ut tertia Classis perfecta sit atque ad finem tandem perduxerit quam fororia Classis iam inchoaverat investigationem.

Quum autem rerum ad literas et artes pertinentium in hoc Regno Administer Vir ampl. rogasfet, quid illae Epistolae afferre posse viderentur in commune literarum commodum, respondit Classis tertia, literas Grotii quae Codice continerentur omnes publice edendas videri, quo insigni collectioni Epistolarum Grotii iam editae incrementum accederet, et addendas iis esse Latinas Oxenstiernae Epistolas, quippe quae ad Historiam temporum illorum illustrandam egregie valere possent. Quibus probatis, editio, quae nunc prodit, parata est, cuius ut intelligatur quid sit consilium, accuratior est exhibenda Codicis descriptio, tum ratio Editionis exponenda est.

Codex est Hannoveranae Bibliothecae, 144 foliis constans, forma maiori. Duae sunt eius distinguendae partes, altera, 92 prioribus comprehensa foliis, Epistolas Grotii exhibet, alteram,

ram, quae reliquis foliis continetur, Oxenstiernae Epistolae implent.

Epistolae Grotii sunt numero XXVII, omnes Latinae, Lutetiae Parisiorum, ubi Legatus Sueciae degebat Grotius, scriptae, atque datae ad ad Illustr. Dom. Iohannem Oxenstiernam, Reginae Regnique Suedici Senatorem et Legatum extra ordinem etc. etc. aut ad eundem et ad Iohannem Salvium, Aulae Cancellariae Senatorem et Legatum, ambos, modo Mindae modo Osna-brugae, ut de Pace facienda agerent, degentes. Sex tantum, eaeque breviores, sunt autographae; reliquae omnes alia manu scriptae, quibus subscriptionem tantum apposuit Grotius. Tempus, quo Literae illae scriptae sunt, incipit a mense Maio anni 1643, quo diem supremum obiebat Ludovicus XIII, Franciae Rex, ad finem mensis Aprilis 1645, et brevi post ultimam scriptam Epistolam Stockholmiam perrexit Grotius, legatione dimissus.

Collatione instituta cum editis Hugonis Grotii Epistolis, cum in: Hugonis Grotii Epistolae. Amstelodami, 1687, folio, ap. P. et I. Blaeu. tum in: Hugonis Grotii Epistolae ineditae, ex Museo Meermanniano. Harlemi 1806. 8<sup>o</sup>. ap. A. Loosjes, Pf., patuit, quatuor epistolas Codicis Hannoverani, et quidem autographas illas, editas legi in Collectione Blaviana, de quibus suo loco monebimus.

Animadvertimus porro, in Epistolis editis,

( VI )

unam esse datam  $\frac{1}{2}$  Aug. 1644 ad Oxenstiernam, (Collect. Blav. II. p. 730 n°. 1685.) (1) dum in Codice exstet epistola inedita, ut fert inscriptio, eodem plane die ad eundem data, et argumento tamen plane diversa. Mirum videatur, Grotium eodem die, ad eundem duas scripsisse varii argumenti epistolas. Possit conici, alteram scriptam vi muneris ad Legatum, alteram amicitiae ergo ad eundem privatum missam esse, quamquam illarum Epistolarum argumentum huic coniecturae haud favere videtur. Rem in medio relinquimus.

Caeterum frequentia sunt exempla Epistolarum, quas uno eodemque die Grotius scripsit, alteram ad Oxenstiernam et Salvium Legatos, alteram ad unum Oxenstiernam. Sic quo die ad utrumque Legatum scriptae in Codice leguntur Epistolae, eodem die ad unum Oxenstiernam datae exstant in Collectione Blaviana;

XV. Cod. II vol. p. 735, N°. 1704 Coll. Blav.

XVI. — — — 740, — 1717 — — —

XXIV. — — — 746, — 1743 — — —

XXVI. — — — 747, — 1748 — — —

et quo die ad unum Oxenstiernam datae leguntur in Codice, eodem die ad duos Legatos scriptae exstant in Collectione Meermanni;

IX.

(1) Hanc Epistolam editam iam fuisse ignorasse videtur Meermannus, quum eandem in *Epistolis Grotii ineditis*, p. 194 n°. 68, denuo typis excudendam curaverit.

IX. Cod. N<sup>o</sup>. 52 Coll. Meerm.

XXI. — — 84 —

Imo ipse Codex noster duo continet huius rei exempla, N<sup>o</sup>. XVIII et XIX atque XXII et XXIII. Neque mirum, Grotium alia habuisse, quae vi muneris ad Legatōs regni Suecici deferret, alia, quae amico nunciaret Oxenstiernae.

Ad idem illud tempus, quo referendae sunt Epistolae Codicis ineditae, pertinent XIV Epistolae in Collect. Blav. N<sup>o</sup>. 1656, 1673, 1681, 1682, 1685, 1704, 1706, 1712, 1717, 1723, 1727, 1737, 1743, 1748. Longe quoque maxima pars Epistolarum a Meermannō editarum, et plures quidem quam 50 inde a N<sup>o</sup>. XXXIII, in eandem aetatem incidunt.

Epistolae Oxenstiernae fol. 93 ad fin. inscriptionem prae se ferunt, recentiori, ut videtur, manu appositam, *Epistolae Oxenstiernii, Legati Suetici ad Tractatus Pacis Osnabrugae habitos.*

Sunt numero XIII, quarum novem priores Latino, reliquae Suecico sermone conscriptae sunt. Scriptae sunt omnes Osnabrugae, quatuor priores, coniunctim ab Ioh. Oxenstierna et I. G. Salvio, Legatis, uti indicatur literis, I. O. A. (i. e. uti ipse scribit Epistolarum V et VIII in fine et in inscript. Epistol. VII et IX, Ioh. Oxenst. Axelsfōn, i. e. Axelii Oxenstiernae, Magni Cancellarii filius,) et I. G. S. in fine aut in inscriptione Epistolarum collocatis; reliquae a solo Oxenstierna scriptae; omnes autem, quae Latino

sunt conscriptae sermone, datae ad D. Cerifantem, Confiliarium aulae S. R. M. Suediae.

Quatuor quae restant Epistolae, Suecica lingua exaratae, datae sunt omnes Osnabrugae a Ioh. Oxenstierna et Ioh. Adl. Salvio, legatis, ad Reginam Suediae, et quidem

I. die 6 Decemb. 1644.

II. die 3 Ianuarii 1645.

III. — 20 Ianuarii 1645.

IV. sine die aut loco.

Continentur iis fere relationes de rebus gestis, quas, singulis dierum hebdomadibus, ad Christinam Reginam transmitterent legati. Propter negligentiam scribentis difficulter admodum leguntur. Nihil autem memoria dignum in iis reperiuntur, cum continuo in iis referatur ad acta, quae addita fuerint, sed iam plane desiderantur. Quibus causis factum est, ut Epistolarum illarum publicationem sibi fuscipiendam haud putaverit Clasfis. Exstat Epistolarii Oxenstiernae commercii Editio, titulo: *Bref ifrån Grefve Axel Oxenstierna til Grefve Johan Oxenstierna, Svensk Legat uti Tyskland ären 1642—1649 utgefne af Carl C. Giörwell.* Stockholm, I vol., 1810—1815, II vol., 1819. Ad hanc collectionem fortasse accessionem aliquam praeberere possent hae Suecice scriptae Epistolae, sed huius rei iudicium ipsis eius Collectionis editoribus et Suecicae linguae peritis relinquimus.

Grotii Epistolarum, quae nunc prodit, editione

His-

Historiam politicam et diplomaticam Europae eius temporis, ad quod Epistolae pertinent, insignia capere incrementa non est quod dubitemus. Fasus est Ludenus in Opere: *Hugo Grotius nach seinen Schicksalen und Schriften*. Berlin 1806, p. 239, Epistolas Grotii, scriptas tempore quo Lutetiae degeret Sueciae Legatus, multum valere ad illustrandam Historiam gravissimae illius in rebus gentium Europae aetatis. Et haec scripsit, quum laterent eum adhuc Grotii Epistolae cura Meermannii editae A°. 1806! Sane ipse Ludenus ex hac collectione, quae nunc publicatur, multum proficere potuisset. De rebus legationis Grotianae post annum 1640 perpauca apud eum occurrunt (vide opus laud. p. 275) et quin plura ea de re dicenda superflint, quis est qui dubitabit, postquam novam hanc Grotii Epistolarum accessionem cognoverit?

In describendis Epistolis, quae iam eduntur, contextum Codicis accurate secuti sumus; ita tamen, ut quae a descriptore commissa visa sint, vel grammaticae, vel inprimis interpunctionis vitia, emendare et corrigere non neglexerimus. Caeterum, quum haec Collectio considerata sit praesertim tamquam accessio Meermannianae, eam apud eundem Editorem, et iisdem typis describendam curavimus, quo facilius meliusque duae Collectiones in unam iungerentur.

Quod ad Codicis attinet originem, licet certi quidquam hac de re ad nos non pervenerit, tamen  
aliis



aliis ex indiciis probabiliter fatis de ea existimari potest. Videtur nempe haec Epistolarum collectio ex Oxenstiernae hereditate superstes esse. Nam quae Grotii Epistolae leguntur, eae, utpote ad Oxenstiernam devehendae, authenticae sunt et nitide scriptae. Quae vero sunt Epistolae Oxenstiernae, eae Epistolarum scribendarum sunt tentamina et pericula, minus accurate, ut fit, conscripta, non vero Epistolae ad ipsum, cui inscriptae sunt, devehendae.

Et haec quidem hactenus. Num haec editio novam quamdam gloriae et laudis accessionem incomparabili nostro Grotio praebitura sit, nostrum non est iudicare. Hoc, ni fallor, luculenter testantur Epistolae, quae nunc primum in lucem prodeunt, Grotium tamquam legatum Suecicum in politicis et diplomaticis negotiis procurandis summam prodidisse et probitatem et prudentiam et solertiam. Non ignoramus fuisse, qui contenderent, Grotium, Lutetiae Parisiorum in legatione degentem, suo magis indulgisse literarum et antiquitatis studio, quam quod legati munere sedulo ac diligenter esset functus. Sed longe aliter se rem habuisse, atque illi opinantur, ex his etiam Epistolis abunde apparet.

Scripsi Amstelodami mense Maio MDCCCXXIX.

C. A. DEN TEX.  
Instituti regii Belgici tertiae  
Classi ab actis.

SE-

## SERIES EPISTOLARUM.

---

### HUGONIS GROTH EPISTOLAE.

- I. Iohanni Oxenstiernae, Reginae Regnique Suedici Senatori, Lutet. Parisiorum 28 Maii (6 Iunii) 1643.
- II. Eidem, ibid. 25 Iunii (4 Iulii) 1643.
- III. Eidem, ibid.  $\frac{8}{18}$  Iulii 1643.
- IV. Eidem, ibid. Deest cartus dies. Scriptam tamen eam esse mense Septembri 1643 constat.
- V. Eidem, ibid.  $\frac{7}{17}$  Octob. 1643.
- VI. Eidem, ibid.  $\frac{6}{18}$  Ianuarii 1644.
- VII. Eidem, ibid.  $\frac{13}{23}$  — 1644.
- VIII. Eidem, ibid. 20 Februarii 1644.
- IX. Eidem, ibid. 31 Mart. (9 Apr.) 1644. *autographa*.  
Edita legitur in: Hug Grotii Epistolae. Amstelod. 1687 fol. Vol II. p. 724 N<sup>o</sup>. 1656.
- X. Eidem, et Iohanni Adlero Salvio, Legatis Suedicis ad pacem Osnabrugensem, ibid.  $\frac{6}{18}$  April. 1644.
- XI. Iisdem, ibid.  $\frac{8}{18}$  Iunii 1644.
- XII. Iohanni Oxenstiernae, ibid. 28 Iulii (6 Aug.) 1644. *autographa*.
- XIII. Eidem et Iohanni Adleri Salvio, Legat. etc. ibid.  $\frac{3}{13}$  Aug. 1644.
- XIV. Iohanni Oxenstiernae, ibid.  $\frac{17}{27}$  Aug. 1644. *autographa*.
- XV. Eidem et Iohanni Adlero Salvio, Legat. etc. ibid.  $\frac{16}{29}$  Novemb. 1644.
- XVI. Iisdem, ibid. 29 Dec. 1644. (7 Ian. 1645.)
- XVII. Iisdem, ibid.  $\frac{4}{14}$  Ian. 1645.
- XVIII. Iisdem, ibid.  $\frac{11}{21}$  Ian. 1645.

XIX.

## SERIES EPISTOLARUM.

- XIX. Iohanni Oxenstiernae, ibid.  $\frac{11}{21}$  Ian. 1645. *autographa*.  
 Edita legitur in: Hug. Grotii Epistolae. Amstelod. 1687. fol. Vol. II. p. 741. N<sup>o</sup>. 1723.
- XX. Eidem et Iohanni Adlero Salvio, Legat. etc. ibid.  $\frac{18}{28}$  Ianuarii 1645.
- XXI. Iohanni Oxenstiernae, ibid. 26 Ianuarii (4 Februarii) 1645. *autographa*.  
 Edita legitur in: Hug. Grotii Epistolae. Amstelod. 1687. fol. Vol. II. p. 742. N<sup>o</sup>. 1727.
- XXII. Eidem et Iohanni Adlero Salvio, Legat. etc. ibid.  $\frac{14}{24}$  Februarii 1645.
- XXIII. Iohanni Oxenstiernae, ibid.  $\frac{14}{24}$  Februarii 1645. *autographa*.  
 Edita legitur in: Hug. Grotii Epistolae. Amstelod. 1687. fol. Vol. II. p. 744. N<sup>o</sup>. 1737.
- XXIV. Eidem et Iohanni Adlero Salvio, Legat. etc. ibid.  $\frac{8}{18}$  Martii 1645.
- XXV. Iisdem, ibid.  $\frac{15}{25}$  Martii 1645.
- XXVI. Iisdem, ibid. 22 — (1 April.) 1645.
- XXVII. Iisdem, ibid.  $\frac{12}{22}$  April. 1645.

## IOHANNIS OXENSTIERNAE EPISTOLAE. '1

- I. Cerisanti, Confiliario aulae S. R. M. Suediae, Os-  
 nabrugae  $\frac{10}{10}$  April. 1645.
- II. Eidem, ibid. 1 Maii.
- III. Eidem, ibid. 29 eod.
- IV. Eidem, ibid. 19 Iunii.
- V. Eidem, ibid. 7 Aug.
- VI. Eidem, ibid. 28 eod.
- VII. Eidem, ibid. 13 Octobr.
- VIII. Eidem, ibid. 11 Decembr.
- IX. Eidem, ibid. 6 Febr. 1646.

# HUGONIS GROTH

## EPISTOLÆ INEDITÆ.

---

### I.

IOHANNI OXENSTIERNÆ,  
Reginæ Regniq̃ue Suedici Senatori et extra  
ordinem Legato, etc.

ILLUSTRISSIME DOMINE!

**A**pud Reginam Regentem sermōnes audio hābitos, alios de induciis, alios de pace. In pace nemo est, qui non magnas prospiciat difficultates. Sunt qui proponant, ut tractus Ruscinonensis, et Atrebatensis, qui inter postrema sunt avulsa a regno Galliæ, maneant penes Galliam, contra vero Rex Galliæ ius abdicet vetus ac sepultum in Navarram. Valde intricatum est negotium Catalanæ, nam et Catalanos plerosque Gallici imperii tædet, et Gallos non minus custodiæ Catalanorum, ita ut sint inter Gallos qui ultro optent ut Catalani a se deficiant, ne aut oneri sint in bello, aut paci impedimento. De Portugallia futurum puto, quod de Batavis factum est pace Verbinensi. Guebrianus nihildum agit, et ea re non immerito offenduntur Hassici. Dux Anguianus in Hainzuam intravit; metuant non-

A nul-

nulli ne circumveniantur, hinc a Melone, inde a Beckiò: sed et ipsi supplementa advenient, et Batavi, ut puto, partem abstrahent hostium. Dux Vendocinensis apud Reginam Regentem multum laborat ut Regi Angliæ subveniat, et puto id futurum, si Rex rebus ipsis ostendat, se sibi et propinquis suis melius velle quam Hispano. Abnuvit autem Rex ille approbare indictionem pecuniarum factam a Parlamento adversus Hibernos, ideo quod antehac pecuniis sub eo nomine indictis usi sint contra se. Dicuntur autem, Regii victoriam reportasse de iis qui Bamburgi obsidionem volebant perrumpere, ii vero qui sub Essexio sunt apud Readingum seditiose agere, quod ultra mensem stipendia ipsis debeantur, esse autem eos equites ter mille, pedites duodecies mille. Pontificios autem Hibernos audimus non potuisse adduci ad recipiendas inducias, et multos ab illis protestantes cæcos ad Blanckehillam. Qui belli rerum periti sunt iudicant Hispanos qui sunt in Belgica multa peccasse: primum, quod hoc tempore ipsi hostilia captarint, deinde, quod pugnarint priusquam Beckius copias suas Meloni addidisset: postremum, quod, si pugnare vellent, non pugnaverint antecedenti vespere cum fessi essent ab itinere Galli. Sed maximum omnium fuit peccatum, quod regimen equitatus auferre voluerint Buquoio, eaque re et ipsum et amantem ipsius equitatum offenderint: Sultanus Turca, altera prole

le auctus virili, dicitur classem habere paratam navium longarum LXXX, aliarum XXX. Qui de Sicularum civitatum defectione sparsi hic fuerant rumpres, orti videntur a Cardinali Mazarrino, qui ipse Siculus spe talium se hic utilem ostentare voluit. Sed et inter Riceliaci chartas repertae dicuntur quæ faciles ostendent vias perpellendi ad defectionem ab Hispano Mediolanenses et Neapolitanos, miror non addi et Ameritanos. Nondum liquet qui hinc ituri sint ad colloquia pacis. Multi commendant Basfompetram egregie functum legationibus apud Anglos, Rhætos, et apud ipsos Hispanos, unde secuta sint pacta Moufoniana. Volunt multi adiungi ei Servianum, Secretarium antehac status unum e quatuor, nunc ab exilio reversum, virum sane magni iudicii. Lomeniacus, dictus antehac Villautercius, nunc comes Briennæ, creditur redditurus ad officium Secretarii status quod antehac habuit, et magno vendidit. Eremitæ, quæ antehac contra ducem Vendocinensem testati fuerant, nunc testantur se vi tormentorum ex iussu Cardinalis ad mendacium adactos. Dandelotus Marescalli Castilionæi filius, qui se Romanensi Ecclesiæ addidit, accepit a Regina, commendante hoc Principe Condæo, XII millia Francicorum, et dignitatem Marescalli Castrensis. Milleraius adhuc ad aquas est Borbonias, expectans quem exitum capturæ sint res aulicæ, quæ novas mutationes videntur portendere. Princeps Condæus coniugium

#### 4 HUGONIS GROTII

gium nititur inter Ducisfam Esquilloniam, cuius invidiosæ sunt opes, et Comitem Brionium, qui in gratia est apud Aurelianensem Ducem: effectitque ut Esquillonia admissa sit ad salutandam Reginam, et Aurelianensis uxorem. Præfectura Arvernæ duci Aurelianensi reddita est, et decretum ea de re relatum in acta parlamenti. Vivunt dux et uxor eius in Palatio Reginæ quondam matris, quod Luxemburgicum dicitur; duci Bulionio pro Sedano compensatio offertur. Fama est venturum huc ducem Carolum sub fide ducis Aurelianensis. Regina Regens promissit Protestantibus huius Regni salva fore quæ antehac facta fuere edicta: idque se publicaturam relatum prius in Parlamenti acta. Creditur et imminutura onera salis et vini, ut plebi gravia. Melos quindecim hominum millia habere dicitur; Dux Anguianus plus paullo, et exspectare accessiones. Principes Italiæ prope omnes Papæ significarunt se, nisi rem cum Parmensi transigat, tranquillitati Italiæ non defuturos. Princeps autem Thomas, cura de arce Dertonensi aut omis-  
sa aut desperata, in urbem venit Taurinorum. hæc interim habemus dum novas res parturit hæc aula. Deus, Illustrissime domine, Excell. tuam in prosperis rebus diu servet

xxviii Maii

vi Iunii

CIDCCXLIII.

Excellentiæ tuæ addic-  
tissimus devotissimus-  
que cultor

H. GROTIUS.

Vi-

Vidi patrum novi Regis Ducem Aurellanensem, commendavi ei res nostras. Dixit se perstiturum in consiliis et amicitiiis fratris defuncti. Feceram et foederum mentionem, sed de iis ille nihil. Nova coniuratio detecta est in Catalonia contra Gallos, et ut quidam aiunt contra vitam Mottæ Odincurtii. Multi capti, multi qui elapsi sunt, relegati. Armantur Bærcinone naves longæ decem a Gallis. Dux Carolus qui Sirici est, inde huc quendam de suis misit. Halerius hic a vulnere sanatur. Adversus Marescallum Bresfæum multæ surgunt querelæ. Tortosæ Hispani habere dicuntur pedites mille quingentos, equites quingentos: Fragijs milites mille trecentos. Dux Anguianus cepit arces Barlamontium, et Aismeriam in Hainavia ad Samburgam. Hispani Camæraci præsidium augment. Scoti nihil adhuc movent pro Parlamentariis Angliæ.

## II.

## IOHANNI OXENSTIERNÆ.

ILLUSTRISIME DOMINE!

Venit ad me his diebus Comes Briennæ, dictus antehac Lomeniacus et Villauclercius, qui nunc locum Chavigniaci et rerum externarum curam obtinet. Dixit mihi, legatum ab His-



panſa, Butam ni fallor nomine, Cardinalis Borgia familiarem, et valentem ingenio, iter Monasterium verſus cepiſſe per Galliam, et veniſſe Aurelianum; dubitare Reginam Regentem, an ei tranſitum illam monſtrare deberet, an vero eum, ut expetitur, admiſſeſe, ad peragenda officia luctus et ſolatii, inter adeo propinquos etiam in bellis mediis peracta ſæpe; cauſam dubitandi apud Reginam Regentem eſſe, non quod ipſa non ſciret diſcernere, quid regno, quid ſanguini debeat, ſed quod metueret ne ea res offenderet foederatos. Dixi ego, non putare me Suedos offeſum ita comitate adeo tralatitia, et ita nos exiſtimare de bona fide Reginæ, ut, ſi quid afferretur ad rem communem aliquo modo pertinens, eius aut Reginam Suediæ aut me, qui perſonam eius hic ſuſtineo, factura ſit participem: cæterum Batavos eſſe homines multum ſuſpicaces, quid eorum cauſa faciendum minusque faciendum ſit Reginam cum ſuo conſilio optime iudicaturam; me enim qui ſatis in rebus Suedicis agendum reperiā, non miſcere me Batavorum rebus, et antehac et nunc valde turbidis; neque vero ſi quis mihi locus honeſtus illis in partibus offerretur accepturum me, ne quidem ſi permittat Suedia, quod tranquilliori viræ aſuetus nolim me ingerere in tam procelloſum mare. Addidi, ſiquis huc veniret legatus Hiſpaniæ, et ad me mitteret, cum eis verbis quæ ad Regios legatos uſurpati ſolent, me non obſti-

## EPISTOLÆ INEDITÆ. 7.

fiturum officio eum salutandi, uti moris est, tum humanitatis causa, tum etiam ut scripta quædam per Hispaniam latentia, et ad Gothorum gloriam obtinentia impetrarem. Laudabat hæc Briennius, cæterum putabat se a legato Batavorum, ad quem a me ibat, auditurum non similia; itaque dubito quid factura sit Regina. Cæterum certum est, etiamsi legatus ille alià transeat, si Galli velint ad arcanas pactiones venire, satis multos esse in hac aula, qui tali auxilio fungi possunt; præterea, sine legatis optime talia transigi per Monachos, qui inobservati aliunde penetrare huc possunt et Reginam clam adire in Valle Gratia, quo secessu, pietatis et negotiorum causa, illa sæpe utitur. Cancellarius Franciæ adhuc incerto est in statu. Cardinalis propinqui metuentes, ne in tanta pecuniæ egestate, quam fecit Cardinalis, ab ipsis exigantur octuaginta milliones quas detinere putantur, pauper olim familia, prospexerunt locis, quorum præfecturam habent, Blavetæ, Brovagio, Oleroni, et maxime Portui Gratia, quo rediens Fortlescuierius, qui Reginae Regenti addictus putabatur, ab arce exclusus est, iussu Esquillonæ, qui Pontcurlæi liberos, suæ tutelæ commissos, eo misit, dixitque Reginae se non aliud habere pignus quo tuta sit. Iidem autem Cardinalis Riceliaci cognati et affines, repetundarum iudicium metuentes, metum iniiciunt reformatis, ut periculorum societate salutem sibi inveniant. Puto Reginam edictorum

veterum repetitione omnem Reformatis illis demerituram metum, quod sane fieri opus est, ut novare cupientibus subtrahatur tam potens paratumque fomentum. Et ad eam rem anpitur quantum potero. Castris ad Theodonis villam circumiectum iam est vallum cui firmando interliciuntur, ut fieri solet, castella. Spes est bona. Quo iturus sit Guebrianus adhuc nescimus. Dux Carolus, si pecunia detur, promisit conscripturum se octo . . . millia militum. Tenet se inter Nicrum et Rhenum. Regina Regens Regem asfuefacit ut quotidie det pecuniam pauperibus, diebus dominicis multo plus. Sunt qui ei suadent, ut obtentu necessitatis rerum Galliae exemplum sequatur Henrici IV, qui Regno suo consuluit spretis foederibus, quae paullo ante cum Anglo Batavisque fecerat, et solenni iuramento firmaverat. Caeterum ut est animi valde generosi, minime credo eam parituram consiliis parum honestis, saepe nec tutis. Si Rex Angliae velit serio se obstringere in foedus cum Gallia, primum ad tuenda signa deinde ad restitutionem Palatinatus, non dubito quin futurum sit, ut hic ratio reperiatur eum Regem reponendi in eam potestatem qua usi sunt hactenus maiores eius. Davausius multum captat aulae Romanae gratias, quod an publice expedire censeat, an in spes suas, non dixerim.

Reginae Regentis valetudo per labores continuos et infuetos labefacta non nihil reviviscere in-

incipit. Rex puer bene valet, et san vultu gestuque magnum Regem promittit. Francofurti ut maneat is qui est conventus, laborant Cæsariani, et tributa maiora flagitant. Cæterum et civitates et principes nonnulli censent, non permittendum Imperatori totum pacis negotium, sed suos quoque legatos debere venire in partem eius curæ. Coningsmarckii res audimus bene procedere: Mottam Odincurtium, capta Maiaza ingredi in Valentiam et denuo CCC Francicæ pecuniæ millia ad eum mitti: tres autem milliones in Italiam. Veneti, Ethrusci, Parmenses, Mutinenses hic causæ suæ contra Barbarinos justa demonstrant: dicuntur autem de Pontificio milite multis in pugnationibus cæsi ferme mille. Inter diversa consilia ad faciendam pecuniam, qua bellum alatur, cum plebem novis oneribus premere videatur periculosum, quia et Tolosatæ Parlamentum quædam exigi vetuit, et in Pictonum agro eis de causis motus orti sunt, proponitur, ut a Publicanis, qui rem fecerunt, mutui sumantur milliones duodecim. Villæfrancæ oppidi in Rouargis disiecta sunt mœnia in pœnam seditionis. Tolosatæ Senatores huc vocati. Dux Ingolismensis ad Grusiam finibus præsidet. Ab urbibus quibusdam quæ eximias supra alios immunitates habent, ad earum confirmationem obtinendam ducenta millia scutatorum exiguntur. Vitriacus Marescallus triginta centuriarum cohortem scribit, quæ a Regina nomèn habebit.

Tributum ex censu et ad Hospitia militum abrogata sunt mulcendæ plebi. Torques aurea data est curfiori aulico Imperatoris.

Hæc ut scripseram venit ad me Balliolus ærarii præfectus; is multa locutus de Regina Regentis erga Reginam Suediæ affectu; dixit mihi, rectius censuisse Reginam, non admittere in hanc urbem illum ab Hispaniâ legatum: decretum autem Regis et Reginae ad servanda edicta de religione iam scriptum esse. Deus, Illustrissime Domine, Excell. tuam in prosperis rebus diu fervet. xxv Junii CIOICXLIII.

iv Iulii

Excellentiæ tuæ addictissimus  
devotissimusque cultor

H. GROTIUS.

A Neapoli, navibus partim longis, partim Galeonibus, vectantur in Hispaniam tria peditum millia, equi mille. Hiberni complures in Angliam transeunt ut Regi militent. Motta Odincurtius habere dicitur XV millia peditum, tria equitum. Apud Somersetum Rex Angliæ habere dicitur militum millia XIV, apud Abinctonum XVII, et delectus facere in Cornualia. Parlamentariorum non tantæ putantur esse copiæ. Vallum, quo castra ducis Anguiani ad Theodonis villam cinguntur, altum est pedes decem, patens, in summitate pedes IV, in imo XII; sunt obsidentes ad XV millia equitum simul peditumque. A Meti in ea castra venere decem machinæ, globorum  
et

## ÆPISTOLÆ INEDITÆ. 21

et igniarii pulveris bona copia, naves ad pontem faciendum, aliquid præterea peditis equisque, duo castella vallo addita; fabricatur tertium. Dicunt mihi qui hic ærario præfunt, magnam quidem hic esse pecuniæ penuriam, sed in Hispania maiorem.

### III.

#### IOHANNI OXENSTIERNÆ.

ILLUSTRISIME DOMINE!

**M**ultum his diebus occupatus fui in Landgraviæ Hassicæ rebus, quas non leve momentum ad Suedicas habere satis intelligo. Fedus quod habuit cum Rege Ludovico XIII personale fuit, et cum eius Regis morte extinctum. Cognovi multis ex locis sollicitari eam multum, ut se addat Electori Colonensi et aliis, qui in Westfalicò, et vicinis, ut appellant, circulis excludere ex suis terris volunt omnem militem, præter suum, ad tuendas adversus belli mala terras illas, comparatum; ita ut permisuri sint ipsi, si ei corpori se velit addere, retinere quem habet militem et oppida, imo et addituri alia in quibus miles eius sedes habeat. Neque vero ignorabam, tot exemplis edoctus, quam facile isti, ad tempus nomine medii, paullo post fiant Cæsariani. Didiceram præterea, Reginam Regentem misisse in Hassiam qui pecuniæ aliquid offerret, ut fedus renovaretur; at vero Landgraviam, quæ  
hic

hic habet suos, alterum nobilem extra ordinem missum, alterum Residentem ordinarium, ut fidelibus ministris honorem haberet, qui fidem excitat et nutrit, voluisse rem eam per eos hic, non autem apud se transigi. Hæc omnia ostendi Duci Aurelianensi, Principi Condæo, Comiti Briennio, qui Secretarius est ad res externas, et Baliolo, qui primus est in ærarii cura. Non reticui quantum aut bello aut paci allatura esset incommodi ista Principis hactenus fortissimæ mutatio, neque illud: pecuniam in loco negligere maximum interdum est lucrum. Poscunt autem Hassici, non improbabilî de causa, quia Marescallus Guebrianus copias Hassicas, et maxime equestres, per tres menses detinuit inutiles, per quod sibi tot agrorum tributa perierunt, unde alendus erat exercitus, cuius vix exiguam partem Hassia alere per se potest, ad damnum hoc refarciendum scutatorum centum millia. Allegantibus autem præsentem inopiam pecuniæ, quam Cardinalis certe is qui mortuus est fecit maximam, in privatum corradendo multos milliones publicis necessitatibus destinatos, dixi, posse Landgraviæ satisfieri per assignatos redditus bonos: quo pacto reperturam eam præsentem pecuniam, quamvis cum aliquo damno, sine qua exercitus ille, adeo antehac utilis communi causæ, retineri aliquæ non posset. Responderunt omnes satis comiter; Dux Aurelianensis, exiguum esse de quo ageretur: Princeps Condæus, in con-

consilio regio reperisse se animos satis ab hac largitione alienos; se tamen mei causa facturum quod posset. Briennius se adiutare velle, sed orare ut ego quoque ei adiutor essem. Baliolus se ut custodem ærarii (id est draconem illum servantem aurea mala) parsimoniæ esse laudatorem: attamen quæ a me proposita erant ea niti ratione, et ita esse attemperata, ut laboraturus esset, ne frustra per me ipsi commendatum esset hoc negotium. Spero non irrita fore, quæ in hac re egi, et porro, si opus sit, acturus sum. Audio autem ex multis, ab Hispano desiderari inducias, sed perbreves, in spem forte motuum in Gallia, aut distractionis sociorum a Gallia: quorum utrunque Deus avertat. Servianus, qui antehac Secretarius fuit status ad res belli, sed per Cardinalem remotus, et nunc legationi destinatus Italiæ, Marchionem Bressæum adiit, ut eum permoveret ad abdicandum sub compensatione officium Admiralitatis, quod nempe Regina Regens dare volebat Duci Vendocinensi, ut cum ipsius bona voluntate obtineret sibi Regina Britannicæ Armoricæ præfecturam, quæ sine periculo reddi non posset Vendocinensi, qui eam olim habuit, quod et ius sibi in eam aliquod asfereret, et magnis ibi affinitatibus possessionibusque esset subnixus. Legati ad pacem et cunctantur, et forte adhuc cunctabuntur, ob ea quæ aguntur post siparium. Guebrianus ad Illarum amnem esse scribitur: ad Lichum Dux  
Ca-



Carolus. Ad Theodonis villam bene procedunt accessus flexuosi, et ex prætorianis aliquamulti mittuntur ad augendum eum exercitum. Consilium status, quod secundum est ab iis qui perpetuo Reginæ adsunt, ad XXII redactum est; cæteri erunt vacantes. Dux Guisus hic est. audimus autem Reginam vetuisse ne Comitissa Bosfuiaca, quæ se contra Annam Mantuanam, Ducis Mantuani filiam, uxorem ejus dicit, in Galliæ fines admittatur. Ille vero duarum uxorum, non diversis temporibus, sed uno tempore maritus, adhuc retinere vult Episcopatus, et Abbatias, et Sacerdotia, optima sane et ad familiam totam ditandam valde idonea. Sed qui partem eorum a Rege nunc mortuo accepere, ut Principis Condæi minor filius, et Cardinalis Mazarinus, nolunt in eius gratiam parta dimittere. Ita ubique nimis opes Ecclesiæ, ex quibus pauperes ali debebant, fiunt materia certaminis inter divites. Nescio an verum sit, quod dicitur a Portugallis, captam in Gallicia Salvaterram: Tarragonam vero obsideri a Motta Odincurtio: capta ab Ethrusco duce Castillonium ad lacum et civitatem Pennæ. Deus, Illustrissime Domine, Excell. tuam in prosperis rebus diu servet. <sup>VIII</sup>  
vet. XVIII Iulii CIOIOXLIII.

Excellentiæ tuæ addictissimus  
devotissimusque cultor

H. GROTIUS.

Gau-

Gaudeo rem Hasficam esse in vado. Hasfi  
 abeuntes a Guebriano parum abfuere, quin du-  
 cem Carolum caperent: cepere sarcinas eius et  
 in eis ensem a Rege Galliarum datum: ipse Dux  
 Carolus WORMATIÆ nunc esse dicitur: copiarum  
 eius iunctarum cum Bavaris. In Francofurtensi con-  
 ventu, ad componenda ea quæ diversa Religio  
 controversa fecit, delegati sunt utrinque deni.  
 Imperator, ut Principes et civitates avertat a  
 consilio mittendi ad loca conventus de pace,  
 dicit se effecturum per equos dispositos ut sin-  
 gula norint quæ agantur. Vult autem ad ipsum  
 conventus locum neminem mitti nisi a se et  
 Electoribus, sed civitates potissimæ id non fa-  
 tis ex re sua arbitrantur. Tum vero pars ma-  
 ior principum contra Bavari sententiam in eo  
 persistat, ut causa Palatina in loco conventus de  
 pace tractetur. Dicuntur male inter se conve-  
 nire Mercius et Waertius; Moguntiacenses au-  
 tem polliceri restitutionem Ducis Zimmerii; in  
 Anglia ab exercitu Regis captum oppidum Wi-  
 chamum, ab eo exercitu qui apud Reginam est  
 Nottinghamum oppidum; et a Roberto Principe  
 deprehensas prætenturas militum Parlamenti, mul-  
 tosque factos captivos. Rex offert veniam Par-  
 lamentariis, sed suæ cognitioni reservat homines  
 septemdecim, in quibus sunt et illi qui Reginæ  
 facellum deprædati sunt. Parlamentarii vero clas-  
 sis utriusque, hac re intellecta, pacem omnem  
 repudiant: et capita XVII Pimius a Classe in-  
 fe-

feriore ad superiorem misus obtulit, quorum rea sit Henrica Marietta (ita Reginam appellant), addito ad singula vocabulo *proditorie*: quæ res mirum in modum Reginae hic Regentis, nec eius tantum, sed et omnium bonorum offendit animos, qui omnes promittunt se ultores tantæ in filiam Galliae contumeliae, siquando pax ipsis contingat, et continget forte ob hoc ipsum citius. Interim, Scoti quid facturi sint, in incerto est, quorum consilia, utrovis ceciderint, magnum possunt afferre ad res tam ambiguas momentum.

IV.

IOHANNI OXENSTIERNÆ.

ILLUSTRISIME DOMINE!

Cum Regina aditum ad se legatis præcludat, sive quia, ut dicitur, est icterica, sive quod eo utuntur obtentu qui nihil volunt ad eius aures pervenire, nisi apud se percolatum, ut Richelius facere solebat, accessi ducem Aurelianensem, Principem Condæum, et ducem Anguianum, quibus ostendi quanta neglecta essent commoda, ideo, quod Marescalli Guebriani exercitus non accepisset supplementa et alimenta: prædixisse me Reginae, nisi melius ei consuleretur, futurum ut cogeretur cis Rhenum concedere: evenisse  
id

id, et quidem Benfeldii malo, qui unus locus nobis in Alfatia restaret, cum cætera sint a nobis Galliæ tradita, quæ vicissim Benfeldii tuendi curam in se suscepisset. Narravi mala, quæ terræ circa Benfeldium incubuissent ab exercitu fueto licentiæ. Rogavi, ut is inde tolleretur, acciperet vires maiores Bavaricis et quæ se eis iungere Lotharingicis, et deinde Rhenum transiens aleret se ex solo hostili. Nec oblitus sum dicere federi postremo hoc inesse, ut bellum transferatur in terras Austriacæ domus proprias, ut Bohemiam et Austriam, multisque ostendens spes de Bavaro conceptas esse inanes: illigatum eum domui Austriacæ per affinitatem, communes liberos et possessiones eas, quas, beneficio eiusdem domus acceptas, nisi ea stante, tueri non posset: addidi, Imperatorem ad pacem trahendum, non Germanorum Principum sed suis damnis. Hæc omnia tres Principes illi adprobarunt: promiserunt rata fore quæ postulaveram. Omnes voluere per me nuntiari animum ipsorum optime adfectum erga Reginam nostram regnumque Suedicum. Dux Anguianus hoc amplius, ire se eo ipso, quo eum alloquebar, id est, iovis die, equis caleribus, ut copias per Ingolismensem eductas e præfidiis ducat contra Bavaricos, qui cis Rhenum se collocarunt, eos aggressurus prælio, nisi, quod futurum putat, retro cedant. Id si eveniat, relicturum se Marescallo Guebriano copias tantas, per

quas in solo hostili Transrhenano non se sustentare tantum sed et processus magnos facere possit. Optabant Principes ut et Coningsmarckius et Hassici possint venire in loca ita propinqua, ut, si res ferret, alii aliis auxilio esse possint. Dixi me memorem futurum. Videbimus iam quis futurus sit tot bonorum dictorum eventus. Vidi epistolam Ducis Bavari ad Daniæ Regem, in qua ei persuadere nititur, res Palatinas non in conventu universali tractandas, sed Viennæ: id enim et legato Romano placuisse. Et quia videbat obici sibi posse tuti itineris diplomata pro Palatinis Legatis tanto Regum labore obtenta, festive respondit, non posse id sibi ob stare, cum in diplomatibus expressum non esset, ea dari, ut Palatinum negotium Monasterii aut Osnabrugæ tractetur, plane quasi illius Principis legati eo venturi essent tantum ut alienæ fabulæ spectatores. Illud quoque non omittendum censui, Ducem Aurelianensem et Principem Condæum scribere iam Principi Palatino ut Electori. Dixit mihi princeps Condæus Galliam serio laboraturam, ut et Regis Angliæ imperium restituatur et ut prævaleant Puritanis Protestantes moderatiores. Adiunxi ego, omnia facienda hic pro Rege Angliæ, si is prius Reginæ Regenti fidem suam obstringat, se, nisi, in colloquio iam futuro Monasterii et Osnabrugæ, restitutio Palatinæ domus in locum dignitatemque veterem obtineri possit, arma cum Suedia Galliaque soci-

ciaturum. Video id hic probari, nec minus in Anglia, quantum dicit Anglus hic residens; non est tamen hoc in mandatis Harcurtii; sed si in id prompta Regis Angliæ voluntas adpareat, adijci poterit. Rex autem idem a Glocestriæ quidem obsidio repulsus, sed oppidum non minus opportunum Excestriam cepisse dicitur. Federis autem formula, quæ Scotis misa Londinium fuerat, adprobata est ab Anglis Parlamentariis, mutatis nonnullis de consensu legatorum, qui e Scotia illuc venerant. Sed Scoti priusquam militem mittant, quem promittunt, ad viginti hominum millia, millionem sibi numerari volunt. Isola, qui pro Imperatore in Angliæ est Residens, paria dicit, quæ Bavari epistola. Cardinalis Mazarinus, multum quamvis rogatur, Electoris titulum Palatino non dat, sed dicit, laborare se serio, ut is Princeps rem ipsam adipiscatur. Adeo hic rerum quam verborum vilior est annona. A conventu Francofurtensi audimus discessisse Wirtembergicos et Norimbergicos, discesfuros forte ad tempus et Saxonicos et Brandeburgicos, cæteros tamen, qui manent, usuros iure pleni conventus, quia per ipsos non fiat quominus adsint cæteri. Qui a Venetis mittitur ad pacem Legatus Contarenus, iam Francofurtum transierat. Ingens in Hispania esse dicitur pecuniæ inopia; id impedimento fuisse, quo minus Regis filio, ut fieri ibi solet, iuramentum diceretur per Arragoniam et alibi. Exer-

citius qui ad Cæsaraugustam est, rerum penuria diffluere hic creditur: et Portugalliæ Regi esse duodecim peditum, duo equitum millia: apud Badajoz in limite Galliciæ sex militum millia. Breslaus, non longe a Carthagine Hispanica ad promontorium Gattæ, cepisse dicitur prætoriam Neapolitanam Galeonem unam, duo præterea navigia, die VIIbris III. Die eiusdem mensis XII Motta Odincurtius Flixam a Gallis posessam periculo exemit, disturbatis partimque occisis Hispanis mille et ducentis, qui navibus per Iberum amnem eo venerant. Sexto autem Septembris in Italia pugnatum inter Etruscos et Barbarinicos in monte in quo sita est arx Moniovinum. Victoria penes Etruscos fuit, captis Barbarinicorum plus mille. Castilionæus Gallicum contra Belgas limitem custodit. Deus, Illustrissime Domine, Exc. V. det omnia prospera.

Exc. V.

inservire paratissimus

H. GROTIUS.

Dicitur exercitus Galliarum in Germania, ubi dux Anguianus eo venerit, futurus ad XV millia. Chavigniacus bis apud ducem Bellifortium fuit. Bouleius iterum huc venit a Duce Carolo. Italiciæ res ab aliis aliter narrantur, quam ex vulgatis hic rumoribus scripsi. Hispanicus in Catalonia exercitus esse dicitur XIV millia peditum, equitum quatuor. Elector Palatinus miserat huc con-

consultatum, an gratum foret se venire in exercitum Marescalli Guebriani tanquam voluntarium militem. Non placuit id Cardinali Mazarino, dixitque mali inde evenire aliquid posse, etiam contra Palatini voluntatem. A Neapoli naves longæ abihere in Hispaniam, quæ ferunt mille quingentos Germanos, mille ex Italia Hispanos. Accessere quædam e Sicilia naves itidem longæ. Præter Excestriam, Biddefordiam, Applefordum et Barnstapulam, Northumbria, Cambria, Westmerlandia, Durhamum, tota Wallia, et in ea portus Milfordium, stant a partibus Regis Angliæ; cuius Regis exercitus dicitur esse ad duodecim millia peditum, equitum sex, præter eos quos alibi habet Wilmodus, et quinque militum millia nova, quæ Novicastellius, septem, quæ Princeps Mauritius collegit, eo animo, ut facta indagine cingant Parlamentariorum copias. Idem ille Novicastellius Hallum circumfidet. Nautæ autem qui sub Mauritio sunt ad seditionem prolabuntur, ideo quod promissæ pecuniæ non adparent. Post Bressæi victoriam apud Carthaginem Hispanicam quatuor Hispanorum naves ibidem mersæ dicuntur. Trinum captum a Gallis:

Marinum qui mirum semper in modum de pecuniæ egestate queritur, commendo quantum possum.

Literas Exc. V. datas Mindæ XXIX. August. accepi, pro quibus gratias ago. Legati ad tres paces hic in procinctu sunt.



## IOHANNI OXENSTIERNÆ.

ILLUSTRISIME DOMINE!

**R**egina hic valet meliuscule: non tamen plane ab aurugine liberata. Davausius ab urbe digressus nunc hic nunc illic rusticatur: et Servianus quamquam et mihi valedixit et aliis, moras nequit, consulto hæc omnia. Velint Cæsarianos et Danos moræ impatientes abire ex delectis ad pacis negotium locis. Id si non obtinent, dilatis quæ cum Hispano agenda sunt, Imperatori duo osia obtrudere rodenda, de iure ordinum circa pacem, et causam Palatinam; non quod ista ex bono Germaniæ velint componi, sed quod opperiri velint occasiones sibi commodas ad trahendum bellum: nec quod id desiderent nobilitas, aut plebs, aut parlamenta; sed quod qui rem summam in manu habent, sperent, se per bellum externum a motibus internis tutiores fore, quod tamen incertum est. Posset enim, manente bello externo, plebe et quibusdam principibus commotis, tantum mali existere, quod reprimi non posset, nisi vi maxima armorum eo tracta, quod ipsam Galliam patentem hosti obliiceret. Sed hæc, quæ in incerto sunt posita, per preces Deo commendemus. Dux Anguianus, cum duodecim, ut puto, millibus,  
in

in Bifontina est regione. Dux Carolus, quamquam non desinit hic semper tentare, siquid efficere possit, dicitur pecuniam accepisse a Bavaricis, (sunt autem ii in Palatinatu inferiore) ut ad Mosellam, et inde ad Rhenum veniens, ipsis se iungat. Germani, qui multum ostentis tribuere solent, bellum crudele in istis partibus fore augurantur, propter repertas Brettæ aquas sanguinolentas. Dicuntur Bavari quinque millia saccorum frumenti ad alimenta sibi comparasse. Pars eorum qui excurrerant male habiti a Rosa ad Coroniwisenburgum. Proditionis consilium Uberlingæ deprehensum et punitum. Qui Hohentwilæ præsidium habent, inde egressi, pecora a Cellæ portis abegerunt. Ex Italia habemus, venisse ad Papam bis mille Helvetios, septingentos de Monteferrato: sperare autem Barbarinos, brevi se habituros tres exercitus bonos, Viterbii, Perusiæ, ad Castellum: Tuscos adhuc in obsidio Cisternæ versari: desertum autem a Venetis obsidium Lacus obscuri. In Hispanico sine Motta Odincurtius, re nulla peracta, rediit Barcinonem, distribuitque in sedes commodas militem, postquam hinc centum millia scutatorum acceperat. Francofurtensis conventus deliberat de iudicio Spirensi Francofurtum transmovendo, de eo, quod respondendum erit Regiæ Daniæ super negotio Palatino, et quid Landgraviæ, quæ dicit, ante pacem factam non posse se causam suam a sociis distra-

here. Sicut autem Galli aliquid ex bello suo ac nostro prosperum expectant, ita Imperator et Hispani motus in Gallia, quales iam in Rovargia cœpere, viginti ibi millibus rusticorum armatis, quorum comes Noalius, centum interfecisse, partem aliam obsidere dicitur. Etiam contra Mařescallum Bresfæum questus ab Andagavenſi provincia venire. Ducis Bulionii uxor in aula est. Sanctogermanus qui pro Regina Medicæa multa contra Cardinalem scripsit, per Parlamenti ſententiam, in suam famam, bona, ac sacerdotia reſtitutus est. At in aula Milleraii filius præfecturam Nannetenſem est confeſtus. Et eremitæ, qui in carcere ſunt, quia contra Ducem Vendocinenſem teſtati fuerant, iterum interrogantur ſiquid contra eum proferre poſſint. Qui in Baſtilia captivi ſunt ex amicis Vendocinenſis nominantur Avencurtius et Bredacus. Dux Aurelianenſis huc a Bleſis rediit, et a rure Princeps Condæus, acceptis a Regina dono Cantiliaco et Damartino, ne inutilis ei ſit opera quam et ipſe et filius navavit publico. Hispani Caſtilleto imminere videntur. Melonſis exercitus ad Valentinianas, ipſe Bruxellis, Cantelonus ad Demeram. Rumor autem hic eſt Bayarum pro octingentis florenorum millibus velle Francothalam tradere Hispanis. Harcurtius Duberiviam advenit, et Londinii, nam illac transit ad Regem iturus, bene excipietur. Eſſexius paulo ante prælium Neuburienſe Cyrencæſtri multos

tos ceperat commeatus, quos Regii congesferant. Prælium ipsum diu æquo fuit Marte; tractum ad mediam ferme noctem; sed Regii machinas suas Neuburium reducere. Essexius campo institit, in quo pugnatum fuit. Dicitur vero Princeps Mauritius obsidere Suthamptonum. Neucastelli Comitis copiæ partim adhuc ad Hallum esse, partim ad prohibendum Scotis ingressum in Angliam. Somerseta arx a Parlamentariis capta. Hazfeldius ad Bavarum ire hic creditur. Beckius ad Treviros militem mittere. Hæc nunc habemus. Deus, Illustrissime Domine, Excell. V. det omnia prospera. Lutetiæ  $\frac{\text{VII}}{\text{XVII}}$  Octobris CIOIOCXLIH.

Excell. V.  
inservire paratissimus  
H. GROTIUS.

Dux Carolus apud WORMATIAM arcem Falco-  
steinium et alias præsidio insedit. Ethrusci  
cepisse dicuntur Piegaium, Panicatum, Pacia-  
num, Montegallionem, Maceratam, Larum, Mon-  
trepicolum, Martinum de Colle, Magnanum,  
Petram fixam, Bagnaiam, Cimboltolam, Castel-  
lionem vallis, Aiiallum, Pilam, Monteleonem,  
Curnaiolam, Fabrum, Montaleram. A circulo  
Franconiæ scribuntur milites, Norimbergæ XV  
millia, totidem ab Episcopis Wirtembergensi et  
Bambergensi. Totidem alii a civitatibus, Calom-  
bachio, Anspachio, Rosemburgo, Weihaino,

Dunkelspilio. In Anglia dicitur filius minor Comitum Bristovici obsidere Pleimuthum. Vidi mox Reginam; gratulatus ei sum de valetudine meliore. Rogavi, a Bensfeldio auferret exercitum, augeret et trans Rhenum mitteret; deinde, ut legatos ad pacem quam maxime properare iuberet, neque nostræ parti culpæ adscribatur. Non tantum hæc facturam se dixit, sed et facere, neque bello fortiter gerendo se defuturam, neque bonæ paci.

Accepi literas Exc. V. datas <sup>XVII</sup>  
<sup>XXVII</sup>  
 Septembris gratiasque summas ago.  
 Pro responso erunt quæ scripsi supra.  
 Chavigniacus bene valet.

## VI.

IOHANNI OXENSTIERNÆ.

ILLUSTRISSIME DOMINE!

**S**cripsit D. Davausius Reginæ Regenti, ad reficiendum exercitum, qui disiectus ad Danubium fuit, pecuniis magnis opus, quas sine plebis incommodo reperiri posse apud eos, qui in functionibus publicis plurimum essent lucrati; se, qui de publico rei non multum fecisset, paratum esse ad præsentem necessitates conferte centum millia scutorum, dum alii pro rata parte regni res adjuvent. Hæc liberalitas, popularior quam præfens aula pati possit, pro gratia odium ei red-

reddidit; quia qui plurimum hausere, minimum volunt reddere. Consent omnes, binis millionibus ut minimum opus ad reficiendum exercitum, qui nuper disiectus fuit. Ad augendum exercitum, qui in Catalonia est, pecunia opus eo maiore, quia populi isti, videntes se armis sumtis suas res nihilo fecisse meliores, non possunt in obsequio nisi per vim retineri. Et munienda est Ilerda, nisi, quod quædam literæ nuntiant, iam obsidetur ab Hispanis. Pecuniæ autem in hoc regimine satis infirmo difficulter reperiuntur: quia multis in locis seditiones armatæ oriuntur, quæ sedari non possunt, nisi remis sis tributis, ut nuper in Pictonibus, et alibi, factum est. Cum vero plebs nova onera pati nolit, et potentes adeo nihil in publicum conferre velint, ut quotidie rapiant plura, fieri non potest, quin attenuati exercitus regni latera obdant hosti. Princeps Condæus, qui a Burgundia rediit, ab ordinibus eius ducatus nihil ferme impetrare potuit. Opponunt necessitati publicæ egestatem privatam. Factiones sub cineribus latent, non ita tamen ut non indicia erumpant. Nuper in area regali apud effigiem Ludovici XIII posita hæc est inscriptio: Henricus Guisus aulico molimine ad duellum vocatus et in arenam regiam ductus, Colinæum, antiquum religionis et Guisianæ gentis hostem debellavit, inflexit, et inermem reliquit, Anno Domini CIOOCXLIII. Cardinalis Mazarinus, ut mos est illorum hominum,

num, in dies legatos magis magisque deprimit. Dux Carolus hic suos misit, ut per ducem Aurelianensem res suas componat. Dicit, ad ea quæ ex Gallia ei fuere proposita, non posse se arma fumere contra Imperatorem et Imperium, a quibus feuda habeat, etiam præter Lotharingiam. Desiderat, Marfillacum sibi reddi; iudicia exerceri ad fanum Sancti Michaëlis pariter regis et suo nomine; Nanciacum sibi ita ut est restitui, ubi pax erit facta. Bavarus ita pacisci vult cum Gallia, ut ab eis terras suas intactas habeat, ipse suas copias non sinat ire ad inferendam vim Galliæ; cæterum, a defendendis Imperii terris non posse semet abstinere, iuramento ad id obligatum. Audio Cardinalem Mazarinum aurem præbere his conditionibus, nam et cum Marfillaci præfecto egit an vellet pro illa præfectura vicariam accipere Meti. Ex Francofurtò discimus, vehementem ibi esse consternationem ob irruptionem nostrorum in Holfatiam et vicina loca: scripsisse conventum qui ibi est ad Imperatorem pro vidua Electrice Palatina et duce Zimmerensi: Electorem autem Brandeburgicum interesse, quo minus literæ ad Regem Daniæ scriberentur, quales Bavarus dictaverat in re Palatina: et ducem Carolum et Hazfeldium magna ex agris colligere tributa: motus ab Hungaria expectari. Gorinus Angliæ legatus, de federe tacens, nihil quærit aliud, quam ut Gallia fideiubeat pro pecuniis quas a privatis hic

hic velit fumere: quas rex magnæ Britanniae sit exsoluturus ubi domi pacem habuerit, quod ipse ait futurum intra menses tres. Sed magnam spem posuerat in Rege Daniae, cuius res nunc eo sunt loco, ut non sit ei otium aliena curare. In Anglia Carlilius et cum eo alii, minus apud Regem honorati quam speraverant, ad Parlamentarios defecere: crebris ut in civili bello transfugiis, ait Tacitus. Hamiltonius et amici eius putantur collusisse cum Scotis, et passi se damnari, ut, eo ipso fidem nacti apud Regem, arcana eius explorarent. Papa duos novos fecit Cardinales, alterum Balivum Valencæum, Gallum gente qui ipsi militat, alterum Iesuitam. Sabauda non vult suas res Galliae committere, sed ipsa per suos sua agere in conventu Monasteriensi. Episcopus Basileensis tutelam imporat Helvetiorum. Dux Bulionius obtinere hic non potest, ut tanquam Princeps Imperii tractetur. Spes faciendæ pecuniæ hic sita est in novis dignitatibus erigendis et in territandis, ut magno se redimant, iis, qui pecunias publicas tractarunt. Harcurtius in Anglia de pace inter Regem et Parlamentum constituenda pœne desperans, de federe renovando et augendo cum Rege acturus est, ut quidem hic dicitur. Deus, Illustrissime Domine, Excellentiae Vestrae det omnia prospera. Lutetiae

<sup>VI</sup>  
xvi Ianuarii CIOIOXLIV. Exc. V.

inservire paratissimus

H. GROTIUS.

His-



Historia, quam impressam mitto, scripta est et ad me misa a filio, qui apud Bavaricos captus est in Dutlingana clade, et ibi adhuc retinetur. Scribit mihi idem filius, valde consternatos esse Bavaros, credo ob incursum nostrorum in Holfatiam et vicina. Imperator Turca a Venetis repetit mancipia bis mille, quæ in Cretam se receperant. Regina Regens hic iubet inquire diligenter in eos qui frumentum exportarunt. Barbarini volunt in armis manere, ut, ubi hic Papa morietur, alium faciant suæ factionis. Id paci maximum est impedimentum. Princeps Thomas restitui vult Duci Sabaudia ea quæ Galli in Sabaudia et tractu Pedemontano tenent. Galli offerunt se pontem Sturæ nudaturos munimentis; sibi retinere volunt Pinarolum, Demontium et Segusionem, reddere cætera. Rebus Pictonum compositis per remissionem onerum, quæ ibi erant cohortes, eunt in Cataloniam. Dux Carolus dicit se in armis habere XII millia: multum pecuniæ Hamburgi, Venetiis, et alibi. Mombasonia et Castellonovanus propius Lutetiam accedere dicuntur. Parturit aula septem novos duces et Pares Franciæ, sed opponit se Parlamentum ne honos multitudine vilescat. Dux Aurelianensis et Cardinalis Mazarinus novas scribunt cohortes.

## VII.

IOHANNI OXENSTIERNÆ.

ILLUSTRISSIME DOMINE!

**V**aria sunt iudicia et affectus varii super re tanta, qualis est irruptio nostrorum in Holsatiam, Iutiam et loca vicina. Angli Parlamentarii lætius hunc nuntium acceperunt, quam Rex et Regii, qui inde maiora et certiora quam aliunde auxilia expectabant. Batavi, ut mercatores solent, ex quavis occasione lucrum captantes, vellent Regem Daniæ eo adigi, ut arces, compedes freti Orisundæ, ipsis custodiendas tradat, donec hæ procellæ defævierint. Galli vero satis aperte ostendunt hæc sibi displicere, partim quod metuant, ne, armis Suedorum versis in partes Septentrionaliores, quibus et quantis de causis ipsi non curant, vires Imperatoris et Bavari, forte et Hispani, dum Batavi, de terris solliciti, mare, unde Respublica ipforum nata est, cupiunt sibi servare, in Galliam incumbant. Præterea Residens, qui hic est a Polonia, pridem id agit, ut per Cardinalem Mazarinum, amicum veterem, id Galliis persuadeat, Suedorum magnos procesus non esse ex ipforum re; cuius rei iam pridem magna vidi indicia; quare laudo prudentiam ita benignam aliis, ut sibi credita primum bene ponat, hoc præ-

præfertim sæculo, quo fides alibi, et in Gallia maxime, perrara est. Gaudebo si de iis, quæ sciri pōsunt, sæpe et exacte edocear, ut ad ea sermones meos componam, nam multi ad me veniunt percunctatores. Qui hic capti sunt ex domesticis Ducis Bellifortii, non ii sunt qui quærebantur, nam consiliorum arcanorum maxime conscii erant Campio et Belliregarius, qui evasere. Cardinalis autem Mazarinus, tum quod videt atrocia in se suscepta fuisse consilia, tum quod videt errasse se in mittendis copiis trans Rhenum et Danubium, quæ etsi omnis alia culpa abfuisset, multo erant hostibus impares, credo etiam, quod in Romæ gratiam Regni Suedici dignitatem omni modo depressit, non bene se habet, in ægritudinem animi tracto corporis consensu. Francofurti fama erat Regem Poloniæ irrupisse in Livoniam. Viennæ spes est pacis aut induciarum cum Suedis, alia negotia et propiora habentibus: et id suadere Gallasius dicitur. Austriæ ordines dant Imperatori 10 millia librarum. Dux Bavarus auget copias suas. De hybernis certant inter se Hazfeldius et Merciacus. Videtur autem Bavarus minus minusque de Gallia sibi promittere, eoque magis se adiungere Austriacis. Dux Lotharingus, multa collecta pecunia, ex tractu Magontiacensi et Franconico, nunc cis Rhenum se retulit, et, coactis Treviris conferre ipsi LXXX millia Thalerorum Imperialium, inde in Leodicum parat suos mit-

mittere. Veneti legati, qui antehac ad primum ingressum aulæ duci a Principe non solebant, nunc multum rixando obtinuerè, dari sibi comitem Ducem Elbovium. Sunt enim Veneti in iis quæ ad honorem pertinent supra alios anxii. Landgravix supra promissum data sunt CCCC librarum Francicarum millia ad augendos delectus. Millio pecuniæ per mulas mittitur hinc ad refarcienda cladis accepta mala. Manent disfidia inter Ducem Anguianum et Guisium. Cardinalis Mazarinus, præter equestres, nunc et pedestres custodias sibi circumdat, vivitque in magno metu. Nobilitas Pictonia, quæ ad sublevandam plebem coierat, discescit, sed ita ut inter se pepigerint redire, si plebs non sublevatur. Parlamentum Parisiense in id laborat, ut creatio novorum Ducum et Parium differatur usquedum Rex sit suæ tutelæ. Misit huc Melos ad permutandos captivos. Tolosæ multæ mulieres tanquam maleficæ comburuntur, quod sæpe fieri solet, ubi factiones sunt in aliqua urbe. Non placet hic Valencæi promotio in Cardinalitiam dignitatem. Dux Aurelianensis vulgat se iturum cum exercitu in fines Belgicos adiutore Mille-raio. Sunt et in Picardia et alibi seditiones, ut in populo mobili, et regimine infirmo. In Languedocia pro Barbarinis miles scribitur. Spargitur hic rumor mulcendæ plebi de rebellionibus Americanorum contra Hispanum. Addam his rebus ita me censere tempus esse opportu-

num fedus aliquod faciendi inter Regnum Sue-  
diæ et Batavos, ubi legati Gallici discesferint,  
fatisque apparuerit, quo tendant eorum consi-  
lia. Deus, Illustrissime Domine, Exc. V. det  
omnia prospera. Lutetiæ, Ianuarii  $\frac{XIII}{XXIII}$  Anni  
CICIOCXIV.

Exc. V.

inservire paratissimus,

H. GROTHIUS.

Fama hic est, præfecturam Ruscinonis, quæ non  
ita pridem fuit Regum Galliæ, separari a præ-  
fectura Cataloniæ: Abbatem Pivenum, qui om-  
nia potest apud Ducem Aurelianensem, destinari  
Cardinalatui: Ducem Aurelianensem, ubi ad ex-  
ercitum ibit, usurum opera Milleraii, cui cum  
Principe Condæo ob controversias pecuniarias  
de Riceliaca successione male convenit. Ea res,  
et quod Regina quotidie cum duce Aurelianen-  
si et Cardinali consultat, male habet Principem  
Condæum, et controversia inter ducem Guisium  
et Coliniacum, cui Dux Anguianus non obscu-  
re favet, nondum componitur. Uxor ducis Bu-  
lionii, non eis adfecta honoribus quibus spe-  
raverat, hinc abire vult. Quærentur rationes  
eam demulcendi. Præter iam captos ob causam  
Ducis Bellifortii, quærentur et alij, et dicitur  
præsidium a Regina mitti Anetum, ubi est Dux  
Vendocinensis, ad explorandas eius actiones.  
Parlamentum Reginam Regentem monuit, ut, hoc  
tem-

tempore tam gravi, liberalitatibus suis parcius utatur. Multi per hanc urbem nobiles equitant cum pistolettis: quod signum esse solet factionum. Dicitur Rex Portugallicus magnam parare classem ad tuendam oram maritimam; alias naves mittere in Indiam Asiaticam et Sinas; augere exercitum novis octo millibus. Inter eos, qui in ditione sunt Papæ, et Etruscos, commercium restituitur, quamvis manente bello. Barbarini ab oppugnatione montis Colonioli repulsi sunt.

## VIII.

## IOHANNI OXENSTIERNÆ.

ILLUSTRISSIME DOMINE!

**S**icut mandata avide exspecto, secundum quæ de rebus contra Daniæ Regem susceptis hic loquar, ita facile credo non omnes tales esse, quas hoc tempore vulgari ex usu sit, ne, qui consiliis Danicis immixti fuere, videntes, ea non latere, aperte in causam descendant. Residens a Polonia, qui hic est, homo Italus et Cardinali Mazarino amicus, ait, si pergant nobis res in Dania succedere, periisse et Poloniam et religioni Romanæ summam imminere labem: quod si Suedi per matrimonium Brandenburgicum præter oram maritimam etiam Iuliacensis successione terras ob-

tinuerint, non longe eos a Gallico fine abfore. In Gorini, legati hic Angliæ, ad Reginam Angliæ literis et hoc erat, non debere Regiam veteres vestes abicere, priusquam habeat novas. Id vero hic Regina Regens cum Gorino colloquens ita interpretata est, suadere eum Reginæ ac Regi Angliæ, ne ab Hispanica amicitia recedant, dum in incerto est, quid a Gallia sit expectandum. Fuit autem Gorinus nuper Carentoni, ibique apud eius Ecclesiæ ministros testatus est, Regem suum, quicquid rumores dicant, semper fore defensores fidei et religionis reformatæ. Sed hoc illi dictu quam aliis creditu fuit facilius. Quas e Batavis accepi literas eam me docent, multos qui ibi in summa re versantur optare, ut hoc tempore fedus inter Suediam et Batavos ex gentis utriusque commodo fiat. Quibus autem id velint conditionibus, id optime noverit D. Spiringius. Legati Gallici adhuc tempus in Batavis terunt. Dux Carolus videtur militum suorum partem velle collocare in Coloniensi agro et Iuliacensi. Hasli speculantur aliorum exitus. Clasfis, quæ ad Gades advenit, portasse dicitur, partim Regi Hispaniæ, partim mercatoribus, XII scutorum milliones. Motta Odincurtius videtur non diu futurus in quibus est partibus, qui propinquus est Noyerii et creditur earum esse partium, quæ sunt contra Cardinalem Mazarinum. Pax in Italia ita præcocta est, ut adprobationem tantum Pa-  
pæ

pæ expectet, qui in ultima vitæ metâ esse creditur. Lex proponitur, ut Castrum et alia bello capta reddantur: Mutinenses lites quas Romæ habet brevi definiantur. Neque tamen, ut maxime pax fiat, Itali Principes dimisuri sunt copias. Et contra Barbarini adversus fortuita ex Viterbio et aliunde militem Romam advocant. In pace quæ proponitur et hoc est, ut novæ molitiones destruantur: utque Dux Parmensis reditus persolvat earum summarum quas ibi Montes vocant: et ut Regina Regens Galliæ pro Duce Parmensi veniam a Papa expetat. Rex Hispaniæ, siquid humanitus huic Papæ eveniat, non vult veniri ad electionem novi Papæ, priusquam omnes terrarum sui Imperii Cardinales advenerint, et largitiones facit ad triginta millia scutatorum, ad emercanda suffragia. Regina Angliæ proxima partui, corpore præterea tabido, ivit Bristolium, ut ibi partu levetur: voluitque, si vitam finiat, corpus suum in Galliam reportari, ne Puritanis sit ludibrio. Regis Angliæ res non optimo sunt in loco. Nam et copiæ eius, quæ ad Nampthuichum erant, cæsæ fusæque sunt, captis Regionum mille et septingentis: et Scoti supra XX millia in viâ sunt ad Novum Castellum. Princeps Robertus Palatinus factus est a Rege Angliæ Dux Cumberlandiæ, et eo nomine locum suffragiumque habebit in Parlamento, quod Rex convocare constituit, sed ob certas id distulit. Interim, qui apud Regem



sunt proceres, scripsere ad Parlamentarios qui Londinii sunt, et eos ad concordiam invitaverunt. Illi pro responso misere fedus cum Scotis factum. Iidem autem Scoti, quod viderent incusari se, quasi qui pauperes ipsi ex Angliæ opibus se vellent pascere, edidere scriptum, in quo eam culpam a se amoliuntur, staturos se dicunt federibus, de Rege verba faciunt honorifica, maximum vero prædicantes studium suum pro pura, ut eam vocant, religione. Princeps Thomas brevi abiturus hinc videtur, ut bellum in regionibus ad Padum gerat. Galli circa Genevam militem colligunt. In Helvetiis idem facere volunt, sed obiiciuntur moræ a gente discordi, tardigrada, lucri cupida. Bavaricorum pars maxima ad Rithlingam est. Ioannes Waertius Constantiæ Hailbrunnæ, Cellæ necessaria ad bellum victumque congerit. Marescallus Vicecomes Turenæ partem suorum maximam ad Remiremontium adhuc habet, partem in Alsatia et locis superioribus. Dux Carolus opima recipit tributa, ad solius Mottæ defensionem LXX vicis plus quam opus est conferentibus. Pater Vincentius ex eo ordine, qui missionis dicitur, qui inter eos fuerat qui Episcopatum et Ecclesiasticorum functioni intererat, a Cardinali Mazarino, omnia ad se trahente, demotus est. Bregiacus Parlamenti adfesor destinatur in Sueciam et Daniam, procurandæ pacis causa. In Catalaniam mittuntur Duces et pecuniæ. Religio-

gionis Reformatæ delegati, qui hic erant, metu ne aliquid hic moverent, iussi sunt ab urbe discedere. Mainungam in potestatem venisse Hazfeldianorum. Deus, Illustrissime Domine, Exc. V. det omnia prosperrima. Lutetiæ, xx Februarii.

Excell. V.  
inservire paratissimus  
H. GROTIUS.

Decem naves longæ Masiliæ parantur, totidem Touloni ad usus Catalanæ. Verum malus hic rumor est, sed adhuc incertior, de Catalanæ defectione tanta, ut Marescallus Motta Odincurtius coactus sit se in Perpinianum recipere, Galli milites in Languedocum. Hispani populati sunt ea quæ sunt in Picardia apud Feram. In Normannia motus sunt, quibus compescendis milites mittuntur. Espernonius et Vendocinensis iussi in aulam venire, cavebunt sibi ne veniant. Hæc non impediunt hanc aulam, quominus et Mediolanum et omnem circum terram promittat Princeps Thomas. Est hic legatus a Genua: non introiit urbem, quia non est nactus honores, quos volebat. Imperator dicitur octo milia militum mittere Hazfeldio ad opem ferendam Dano: in Austria autem delectus facere contra Ragozkium: Rex Portugalliæ exercitum parare, qui exeat mense Martio, et Galeones ad augendam classem. Publicantur hic rumores, sem-

per pro Rege Angliæ: Scotos nequisse intrare in Angliæ fines: magnas copias fieri et Principe Roberto: Marchionem Novi Castelli irruere in Riehemontiam regionem: Carolum Lucam in Nottinghamiam: Lugbrauchium in Darbiam: omnes Regiæ partis duces. Hæc ideo hic sparguntur, ne pöpus ægrè ferat Regem Angliæ a Gallia deferri, præsertim cum et religionis creditur verti negotium.

## IX.

## IOHANNI OXENSTIERNÆ.

Edita exstat in: Hug. Grotii Epistolæ. Amstelodami 1687. fol. II. p. 724. N°. 1656.

## X.

D. IOHANNI OXENSTIERNÆ ET  
D. IOHANNI ADLERO SALVIO,

Reginæ Suediæ, Gothorum, Wandalarum, summa cum potestate legatis.

ILLUSTRISSIMI ET EXCELLENTISSIMI  
DOMINI!

**U**t ad pacem veniatur, multi multa proponunt. Nonnulli, ut Pomerania maneat Suedis, Elector Brandeburgensis pro repensatione accipiat

piat perpetuo iure Episcopatus Bremensem et Halberstadensem. Bavarus autem, pro iis, quæ in res Imperatoris impendit, fruatur Salzbургensi Episcopatu, donec fructus debitum æquaverint, et sic reddatur omnis Palatinatus. Quo vero magis contra Daniæ Regem res nostræ procedunt, eo crescit hic in nos invidia, per multas artes fovente talia Poloniæ Regis Residente, qui Legati titulum ab eodem Rege et Regni ordinibus sperat. Cum Vendocinensis maneat extra Regni fines, et in propinquis Genevæ locis se teneat dux Bulionius, eo digressus quia de Sedano transigere nolebat, utrique autem commercia arcana esse credantur cum Espernonio, qui nullis rationibus induci potest, ut in aulam veniat: Protestantes autem regni huius, ac nominatim Dux Lafortius filiusque eius, de multis rebus querantur: multis præterea in locis civitates et nobilitas non optimo sint affectu erga res præsentis, creduntur facile motus posse existere: magisque ego id crederem, si Hispano ea esset, quæ olim fuit, largiendi facultas. Dux Lotharingiæ, etiam nunc Homburgi, copias ad Mosellam habet: blanditur Gallo: nutat Cæsari: nutat Bavaro, quicum et aliquid ipsi controversiæ est de militum sedibus ad Rhenum. Inter Romanam et oppositum fedus, sublato illo certamine de vocibus aut qualitatibus, pax tandem facta creditur, non sine gloria Venetorum, qui, dum de pace agitur, hostes a Bondeno et Stella-

ta repulerunt, ceperunt autem ipsi Bondenum et alia ad Ferrariam loca. Bavarus Traumensdorfum a gratia, qua apud Imperatorem valebat, depulsiſſe dicitur, cum Hispano autem agere de tradendis ipſi pluribus in Palatinatu locis. Epiſcopi, qui Arnaldi librum probaverunt, ſubſcipiunt ſe Papæ iudicio. Univerſitas autem Lovaniienſis ſcripſit Univerſitati Pariſienſi ne damnetur Ianſenii ſententia. Intèr Cardinalis Mazarini et Ducis Longovillani comites pugna fuit. Sed ei certamini ipſi ſe non immiſcent. Et Cardinalis, ut potentiam et ſecuritatem ſuam oſtendat, his diebus cum Regina in eius caſtrum receptus, vidit luſtrari milites ad quinque milia in ſilva Boloniienſi. Catalani qui Galliae res ſectantur bene de rebus ſuis ſperant: quanquam enim magnæ ſunt Hiſpanorum copiae, putant diſſuſas victus inopia. Ipſi autem a Narbone auxilia exſpectant. Præfectus Mediolani et Princeps Thomas ſeſtinant alter alteri arenam præſcribere in qua belletur. Mareſcallus Turenſis in Comitatu incepit oppida exigua capere, Veſulam, Baumam, Lixolium, et arcem Mebiſæ. At Lamottæ præſidarii apud Trifoloram duas turmas Gallorum draconianorum diſiecere. A Falcoſteinio abiere Hiſpani, metuentes hoſtium ſuperventum. De Duce Bavarum manet ſermo, conſilia eius in Briſacum dirigi. Habet autem ingentes copias. Præfectus Francothalie, ſuſpicax, ut ſolent eſſe Hiſpani, ducem Zimmerium monuit,

nuit, ut Crutenaco vellet discedere. Ab Uberi  
linga paulum retro cessit equitatus ad quærenda  
pabula: pedites vero se ad oppugnationem mœ-  
nium parant. Ad bellum e Gallia gerendum ad  
finem Belgicæ magna vis commeatum confer-  
tur Ambianum: quinquaginta machinæ in eas  
vectantur partes: milites eo tendunt. Dux Gui-  
sius voluntarius erit miles Duci Aurelianensi.  
Gasio ad Reteliam est. Chauniacum, Vitria-  
cum, Sancti Desiderii oppidum plena militum.  
Melos paravit se ut exercitum in aperto habeat  
Maii initio. Qui ex Hispania literas cambii  
ferebant, hic per tempus aliquod retenti sunt.  
Ea res moram iniecit rebus. A Francofurto  
hæc discimus: Hazfeldium collectis e Franco-  
nia copiis in Thuringiam ire: Rakoczio, ideo  
quod profiteatur, se pro libertate religionis et  
aviti per Hungariam regiminis arma capere,  
paucos esse Hungarorum qui se opponant, quam-  
quam invitatos ad id Imperatoris edicto, qui  
nulla ferme illis in partibus habet oppida qui-  
bus fidat, præter quæ Germanorum servantur  
præsidia: sperari tamen pacem et Viennam  
fuisse præfectum, qui a Casovia exiit, cum con-  
ditionibus quibusdam a Rakoczio: duodecim  
millia militum ab Imperatore misa ad tutandos  
Austriæ fines: eas autem quæ in Bohemia fue-  
re cohortes procedere, ut impedian, ne cum  
Rakoczio se coniungat Duglassius: Gotzium  
adhuc Wollayæ imminere: sed omnes hos Im-  
pe-

peratoris milites ita ad omne genus licentiæ esse exercitos, ut nusquam hostes ipsi magis metuantur. Ita fit, ut populi nihil curent sub quo sint domino: quæ res memorem me facit apologi, quem Phædrus olim scripsit, Tiberii libertus:

Afellum in prato timidus pascebat senex,  
Is hostium clamore subito territus  
Suadebat asino fugere, ne possent capi.  
At ille lentus: quæso num binas mihi  
Clitellas impositurum victorem putas?  
Senex negavit. Ergo quid refert mea  
Cui serviam, clitellas dum portem meas.

Dicebant præterea a Francofurto literæ, multum imminutas spes Cæsarianorum, ideo quod Lambolii delectus in irritum recidiscent cum præsentē pecunia, quam ipse non habebat, contra licitantibus Gallis: sed eosdem Cæsarianos solari se, quod putarent, Suedos a Gallis abstrahi posse, et Danum seorsum non facturum pacem, quandoquidem Electores rogasset scriptis in id literis ne pacem sine se facerent: Lipsienses in metu fuisse obsidionis: nunc, adventante Coningsmarckio, prurire illis manus ut ultro hostem impugnent. In Anglia belli fortuna nonnihil ad Regios se vertit, oppressis et ad deditionem compulsis hostibus ad bis mille, captis armis multis, machinis duodecim. Etiam oppidum Lincolmium eis cecidit. Refrigerati nonnihil hac clade Parlamentarii, novas ad Regem de pace con-

conditiones misere. At Scoti ab obsidione Novi Castellī non abstant. Deus, Illustrissimī et Excellentissimī Domini, Excellentissimis Vestris det omnia prospera. Lutetiæ  $\frac{\text{VI}}{\text{XVI}}$  Aprilis CIOIOCLIV.

Excell. V.  
infervire paratissimus,  
obligatissimusque  
H. GROTIUS.

Sunt in aula mutationes. Hautefortia, gratiosa antehac apud Reginam, aula elicitur. Montresorius, a Duce Aurelianensi eiectus antehac, redit. Residens Poloniæ hodie infolito honore carruca Regis et Reginae in aulam ducitur, beneficio Mazarini. Audimus Regem Hispaniæ retinere sibi etiam eas, quæ pro mercatoribus venerant ex America, pecunias. Inde paratos habere duos milliones ad res in Catalonia gerendas. In quem usum ab Arragonibus dari nova militum quatuor millia, equos bis mille: a Valentia regno mulos mille quingentos.



## XI.

D. IOHANNI OXENSTIERNÆ ET  
D. IOHANNI ADLERO SALVIO,  
Reginæ Suediæ etc. legatis.

ILLUSTRISSIMI ET EXCELLENTISSIMI  
DOMINI!

**P**rævideo futurum ut sint qui de me querantur, tanquam moroso circa res honorum. Nunquam tali fui ingenio. Sed difficultates mihi obiecerunt sunt maximæ, dum Galli et ita sentiunt, et persuadent aliis, non eosdem deberi honores regno Suedico, quos regno Galliarum, Hispaniarum, Angliarum; et dictum mihi a multis est, nunquam me obtenturum quod volo. Itaque varia comminiscuntur crimina, quibus me oppono quantum possum. Usus est hoc commento Ricelæus, ut aut amicitias mihi abrumperet, aut egeret me facere quæ decora minus arbitraret. Ubi huc venit D. Cerisander, aditum ad Reginam Regentem secundum mandata impetravi, obtuli ei meam operam deducendi eum ad Reginam, sicut a Regibus suis misfos Legati solent deducere: recusavit. Antequam ego ad Reginam Regentem irem, præcucurrit ad Cardinalem Mazarinum, eius gratiam captans, quam et ego habere potui, siquid de dignitate Regni concedendum et moribus eius morem geren-

rendum existimassem. Vellem de singulis talibus habere præscripta qualia legatos alios scio habuisse. Cum non habeam et longe absim ab iis quorum in me potestas est, cogor interim ipse constituere id, quod mihi videtur æquisimum. Apud Reginam Regentem dixi ea, quæ mihi iniuncta erant, quæ reipsa congruunt cum iis quæ dixeram, accepto Reginæ nostræ ad suos populos edicto. Præcipue autem ostendi, rem Galliæ in hac re verti, quod Rex Daniæ aperte hostibus nostris navaret operam ac proinde inter eos esset, contra quos conceptum est fedus: deinde, nec cum Gallis Suedi, nec cum Suedis Galli aut Batavi, Galliæ focii, habere commercia nisi damnosa posset, si Regi Daniæ liceat exigere quantum velit, sicut fecit hactenus: et hanc causam communem esse nationum omnium. Reginæ itaque Regentis ad huius causæ prosecutionem et auxilia et consilia postulavi. Cum Regina nihil nisi communia illa quæ dici solent responderet, dixi aditurum me eos qui ipsi a consilio essent, idque faciam præsertim Comitem Briennium, quem Regina posthac etiam ante aditum ad se compellari voluit. Dabo operam ut cognoscam, quæ sint hac de re hic potentium cogitata: qualem hac de re pacem velint cudere. Id quidem apparet, velle eos, ut a controversia Danica quovis modo liberemur, quo vires nostræ in Germaniam incumbant. Multum autem metuunt, ne subducatur  
se

se Rakoczius, a Suedis remotus, et ab aulæ Turcicæ sustentaculo; quantum rumores ferunt, destitutus. Ad Gravelingam sperato melius res procedunt. Partim enim vi capta, partim ab hostibus derelicta sunt, quo maiore militum numero urbs defenderetur, castellum ad emissarium, deinde septem receptus militares, quos reductus vocant, adiuvantibus a mari sub Trompio Batavis. Restat urbs ipsa, ad quam oppugnandam quæ sunt necessaria, partim e Gallia adveniunt, partim a Batavis. Ex Francofurto quæ discimus, hæc sunt: Rakoczio restare, de magnis copiis, quinque millia equitum, musquettarios mille et ducentos, Heiducos bis mille: conditiones commodas ei offerri per Palatinum Hungariæ, Gotzium, Bouchaimium; nec dubitari de pace, nisi a Constantinopoli tempestas eam turbet: spem quoque esse brevi, dum Dania Suedos distinet, posse recipi, quæ Suedi in Silesia et Moravia tenent: Gallasii militem ad Egram pervenisse, Hazfeldium in Franconia adhuc retineri per Bavarum, subsidio ipsi futurum, si magnæ Gallorum copię in se ingruant: parari bellum in Hassicam viduam, ut, malo dormita, accipiat leges ab Imperatore: Cæsarianos omnes plenos esse bonæ spei: Bavaricum quendam militarem architectum ostendere rationes, per quas intra tres menses Hohentwilæ rupes disiici possit: Marescalli Turenæ exercitum, nisi dux Anguianus se ei coniungat, nihil aliud

ac-

acturum hoc anno, quam ut tutetur Rheni ripam: Ducem Carolum WORMATIÆ esse ægrum animi et incertum, qua consilia vertat: augescere moerorem ex absentia SANTACROYÆ, quam a se seposuit, ut parcat PAPÆ. Hispani ex PATALINIS terris ad BECKIUM iverant. Multa ignis cœlestis prodigia territant GERMANORUM animos. Regis ANGLIÆ res non optimo est in loco. Est OXONIÆ; quam urbem circumveniunt, magnis copiis, hinc ESSEXIIUS, inde WALLERUS. REGINA, EXCESTRIÆ se tenere non audens, amplius BRISTOLIUM dicitur concessura, aut ante aut post partium. Spes aliqua Regi est in auxiliis quæ ex HIBERNIA expectat. Audimus POLONIÆ Regem multum laborare, ut pax fiat inter Imperatorem et RAKOCZIUM. A PORTUGALLIS cæsos audimus CASTELLANOS trecentos: exustos vicos quatuordecim. Et quidam rumor hic est, a Marescallo TURENÆ cæsa duo equitum millia eorum, qui sub MERCIO erant. Accessi iam nunc Principem CONDÆUM, eique dicenti, multos hic dolere, quod Danico bello distentus TORSTENSONIUS nec RAKOCZIO se adiungere, nec in GERMANIA res gerere posset, ostendi, non ex animi lubitu, sed ex summa necessitate sumta hæc arma contra bellum diuturnum, hactenus et occultum, et, ni Suedi prævenissent, erupturum multis eo partibus. Ostendi, vires nobis agendi in GERMANIA ademptas, minacibus Dani delectibus, et crepto omni ex commercio externo questu: rem GALLIÆ et

omnium nationum in eo verti, ne rex unus de omnibus vectigalia exigat, quanta vult, fortem totam, ubi voluerit, abforptura: Suedos uon alienos fore a pace, dum securitas ipsis constet, et federa antiqua, et gentibus omnibus commercia cum Suedis. Dixit, rem sibi cordi fore. Addidit, optare se ut Cardinalem videam, neque in eo dignitatis esse periculum, posse enim eum adiri non ut Cardinalem, id est, Papæ assessorem, sed ut ministrum Reginæ Galliæ. Ego vero, quamquam in eo ipso viderem periculum, quod minister Regis Galliæ legatos aliorum Regum non ex æquo aspiceret, nihil aliud respondendum duxi, quam penes me id non stare, parituum me præceptis. Princeps Condæus, ut est eruditus, etiam sermonem habuit de gravi controversia, quæ nunc agitur, in unam partem ab Iesuitis et monachis, in alteram ab Episcopis et Sorbonicis, super poenis Canonicis: dixi ego, ita me arbitrari cum Cardinali Groppero, veram causam disfidii, quo Ecclesia divulgata est, esse, quod apud eos qui Romam respiciunt disciplina Ecclesiæ non laxata sit, sed plane extincta: eam debere restitui, degradationibus in Episcopos et Presbyteros male viventes, excommunicationibus et aliis satisfactionibus in eos, qui, cum laici sint, in illis criminibus deprehenduntur quæ Christianos dedecent: hac re curata faciliorem fore viam ad concordiam. Obiicienti, multos nobiles nihili facturos disciplinam Ecclesiæ eam, quæ

quæ sit futura despectui, respondi, eos, qui diu excommunicationem contemnerent, posse a Rege coërceri, præcluso ad honores ac iudicia aditu, modisque aliis, quorum adferebam exempla. Ad alterum quod dixeram, utile fore, si etiam in secretis criminibus absolutio differretur usque ad impleta poenitentiae tempora, obiecit, medio tempore a morte posse aliquem intercipi. Respondi ei rei provisum a Synodo Nicæna, quæ præcipua norma esset gubernandæ Ecclesiæ, ut, qui intra tempora poenitentiae periculose ægrotarent, acciperent absolutionem, sed ea lege, ut, si a morbo evasisent, poenitentiae tempora ita implerent, quasi absolutionem adepti non essent. Cum et hoc probaret, rogavi eum, ut in negotio ad purgandos mores et ad reddendum Ecclesiæ nitorem tantopere pertinente, pro ea auctoritate, quam ipsi natales et merita darent, laborare vellet. Deus, Illustrissimi et Excellentissimi Domini, Excellentis Vestris det omnia prospera. Lutetiae  $\frac{\text{VIII}}{\text{XVIII}}$  Iunii CIOCCXLIV.

Exc. V.  
semper serviturus,  
H. GROTIUS.

Quæ præter suprascripta hic in vulgus iactantur hæc sunt: Mottam Odincurtium cum XII militum millibus, miliaribus Hispanicis quatuor a Lerida abesse, ut liberet eam urbem obsesam a vicies et ter mille militibus, defensam vero a

Gallis quater mille, a Catalanis bis mille: captas ab eo ducentas et sexaginta mulas onustas victu et pecunia: in Pedemontanis locis nihil agi, sed inter Pontificem et Ethruscum super pactorum interpretatione novas nasci controversias: Ducem Bulionium cum sua uxore esse Romæ: Beckium, cum Germanicis quibusdam et Lotharingicis copiis ad X millia, ire subventum rebus Flandriæ laborantibus: Ducem Anguianum brevi habiturum apud se XV militum millia, et coniuncturum se cum Marefcallo Turenæ: inter illas Anguiani copias esse milites egregios in Leodico nuper conscriptos: prætorianos equites et pedites, partim Peronam, partim ad castra ire circum Gravelingam: eam defendi a militibus ter mille, a rusticis et inhabitantibus bis mille, et abundare rebus ad bellum necessariis: a Melone partem exercitus positam Borborgi ad incommodandos qui Gravelingam obsident, partem missam ad prohibendos conatus Principis Arausionensis: Bavarum Hohentwilæ obsidionem aggressum, spe, aliquos ibi qui sunt posse pecunia posse corrumpi. Scribuntur hic novæ Cohortes. Comitissa Suesfionensis adhuc ægrotat et exspectat filiam Principi Thomæ nuptam. Parlamentum omnibus ferme edictis pecuniariis moras obiicit. Mortua iam nunc est Comitissa Suesfionensis. Missus in carcerem nothus Cardinalis Guisii, qui consiliorum Bellifortii particeps creditur.

Con-

Conveni et Comitem Bryennium, et dixi eadem quæ Principi Condæo: addidi, non alienam fore Reginam Suediæ a pace, dum securitas et federa antiqua constant regno, et Gallis gentibusque aliis sua commercia, multumque eam tributuram Reginæ Regentis consiliis. Cum diceret, doluisse huic aulæ, quod de consiliis Suedicis contra Danum non fuisset edocta, respondi, necessitatem belli undique non permisisse id moræ. Cum id late exposuissem, dixit, Reginam Regentem hac in re laboraturam ad pacem talem, qualem Suedia desiderare posset, suæque consilia cum Suedicis coniuncturam. Laudavi hoc, ostendique id convenire federibus et utilitati publicæ. Nam, si id maximum et belli prosperi et pacis honestæ impedimentum auferatur, multo nos facilius id consecuturos, quo nos ducunt federa. Cum in sermone protracto quereretur nonnihil de disputationibus inter legatos qui in Germania sunt Suedici Franciæque Regni, et multum hoc regnum præferret cæteris, dixi, quod dicere debui; Reges iure imperii pares esse, Regnum Suedicum historiarum testimonio ante bis mille annos: et cum putaret exiguum esse regnum, dixi, patere id in XVII gradus Elevationis Poli, in XXIII ab æquinoctiali circulo ductos, quod mirabatur. Intellexi ex ipso, D. Cerisantium per amicos multa contra me machinari. Solabor me conscientia facti officii.



## XII.

D. IOHANNI OXENSTIERNÆ.

. EXCELLENTISSIME ET ILLUSTRIS-  
DOMINE!

Credo ego quidem, Imperatorem bellum hoc, quod inter Suedos Danosque enatum est, suam putare occasionem; ideoque eum, ob spem quam habet res suas promovendi, minus quam optandum sit properare ad pacem. Sed nec minus verum est, eos, qui rerum in Gallia potiuntur, pacem nolle: cuius sui consilii causas habent nec leves nec obscuras. Bene ergo eis cadit, quod propositi sui fiunt compotes, invidiamque rei in hostem reicere possunt; quanquam apud æquos homines non laudatur acerbitas ista literarum, quas ad Imperii ordines legati Gallici scripsere, contra, probatur Suedorum scriptio, quæ res per se satis asperas non ultra modum accendit verborum asperitate. Gaudeo venire istuc D. Lampadium. Vir est prudens, bonus, eruditus. Poterit et ille, et si qui ab Electore Brandeburgico venturi sunt, dare consilia ad præcidendas pacis moras. Cæterum, ut, qui ista huc venturi sunt, speciem personamque Imperii totius sustinere possint, vix sperabile est, cum maior pars conventus Francofurtensis rem pacis Electoribus præstandam una cum Imperatore per-

mi-

miserit. Si tamen aliquorum animi per has disputationes ab Imperatore abstrahi poterunt, et vetus vexillum erigi, ad quod concurrant, quibus aliqua manet cura Germanicæ libertatis, erit id e re nostra. Si Danica controversia per Gallicos Batavosque legatos componi non poterit, putem, nihil in eo mali fore, si de ea agatur Osnabrugæ et Monasterii, ob causas a me dictas antehac. De Temere capta, est, quod gaudeamus, speremusque maiores progressus. Videntur expectanda alia prælia navalia cum, quæ pugnata sunt hactenus, nihil magni aut his aut illis contulerint. De postremo, quo fugisse Danos satis constat, magis certa magisque specialia expectamus: ut et, quid factururus sit Gallasius, quid nostri contra Gallasium. Deus hæc omnia ad bonum et Suediæ, et communiter orbis Christiani, dirigat, idemque, Excellentissime et Illustrissime Domine, Exc. V. protegat. <sup>xxviii Iulii</sup> <sub>vi Augusti</sub> CIOCCXLIV.

Exc. Vestræ perpetuo servire  
obligatissimus paratissimusque

H. GROTIUS.

D. Cerisantem, cum primum ad me venit, benigne et honorifice excepi. Volui eum deducere ad Reginam Regentem, ut moris est: noluit. Dixit Comes Bryennius ei, ita fieri debere: respondit, nihil sibi mecum esse commune. Idem

dixit in Batavis apud multos, et hic Comiti Bryennio. Cum apud me pransus esset, et per prandium solt essemus diu, nihil mihi dixit de iis, quæ egerat apud Cardinalem, Principem et alios; quare, cum me rerum suarum participem non faciat, æquum est, ne ego illum mearum. Accedit, quod, cum pessimo huc in me proposito venerit, ut ex multorum relatu cognovi, in præmetuo, ne, quæ a me audiat, referat corrupta atque distorta, quod eum facere solere intelligo, quare ita iudico, non posse me tuto neque honeste eius uti consuetudine.

## XIII.

D. IOHANNI OXENSTIERNÆ ET  
D. IOHANNI ADLERO SALVIO,

Reginæ Suediæ etc. Legatis.

ILLUSTRISSIMI ET EXCELLENTISSIMI  
DOMINI!

**D**ie Iovis Regem et Reginam Regentem vidi, valentes ambos, Regem, supra quam fert ætas sexennis, corpore et ingenio præstantem. Gratulatus utrique sum de Gravelinga. Dixi ex historia vetere et nova quæ rei convenire videbantur. Addidi quædam de rebus nostris contra Danos, ad quæ nihil Regina Regens: tantum hoc testata est, non dubitare se, quin res suæ prosperæ gaudium Reginæ nostræ adferrent.

Cau-

Causas belli Danici, fusius quam ante explicatas, quas e Suedia acceperam, ut hic recudi facerem, omnes compellavi librarios. Nemo est qui id fuscipere audeat sine permisso, quem a Cancellario Franciæ impetrare non possunt. Itaque, de duobus transmissis ad me exemplis, alterum mihi ad memoriæ subsidium retinui, alterum dedi Comiti Bryennio, ut Secretario status ad res externas, edocendo ipsi, et per ipsum aliis de iustitia, imo necessitate horum armorum. Gravelingæ munimenta ita cuniculis machinisque et oppugnandi defendendique artibus confusa perturbataque sunt, ut sesquimestri tempore futurum sit opus ad ea reponenda. Interim Gasfio dicitur mari ire ad Principem Arausionensem, qui castellis aliquot captis saxo Gandavenfi imminet, et Piccolominæi exercitum in se trahit. Potuerat de Dunquerca cogitari, nisi iam Dux Anguianus se iunxisset cum Marefcallo Vicecomite Turenæ, spe eximendi ab obsidio Friburgi, aut, si id ob bene munita hostium castra fieri nequit, invadendi Bavariam. Partem aliquam copiarum ad Luxemburgicum finem reliquit. Qui in Friburgo sunt, et bene se tuentur, et eruptiones faciunt non improsperas. Dux Carolus adhuc obumbrat consilia sua, et rumbribus in partes diversas materiam suppeditat. Mitto leges deditæ Gravelingæ, pares Atrebatensibus; etiam in eo, quod Protestantes ibi vivere non sinuntur. Ille dicitur defendi ad-

huc, et spes aliqua esse eius liberandæ per exercitum XV millium, qui est sub Motta Odincurtio. Ad Hohentwylam obsides utrinque dicuntur redditæ; exitus inde difficiles fieri; Bavaricus peditatus imminui fame et transfugiis. In Italia Galli dicuntur Spinum oppugnare: eum locum, quod tutamen sit Finalis, auctum præsidio mille hominum ab Hispanis; Scravallem vero mille Germanis et quingentis cum multo victu et belli paratu. Princeps Thomas nihil videtur hoc anno facturum magni, quanquam manet adhuc rumor, obsideri ab eo Aronam. Helvetii in omnibus his rebus satis se medios gerunt. Cæsareæ Mauritanicæ, quæ Algeria dicitur, prædones, naves aliquot eripuerunt Hispanis. Elbovius cum levi manu apud Guisam est. Granceius præficitur Gravelingæ. Inter Milletraium et Gasfionem similitudines sunt, nisi quid amplius. Lis, quæ fuerat inter Ducem nunc Mantuanum et inter Ducis eius qui fuit filias, ita definita est, ut Dux terras in Gallia sitas Nivernensis successionis habeat, virgines autem duæ reditus ex iis terris ad libras Francicas sexaginta mille. Procuratores Parlamenti emanent e curia ideo quod tributum novum eis imponitur. Sunt et motuum semina in Delphinatu et ad Burdegalam. Dux Longovillanus ita in Normanniam. Ad Ducem Anguianum mittuntur novem cohortes novæ, et una vetus Albrei: quatuor autem millia ad custodiendos

Le-

Lemovices et loca vicina: machinæ multæ ad tuendam Gravelingam et oppugnanda castella quædam apud Borburgum. A Francofurto quæ discimus hæc sunt. Neque literas neque com meatum tuto ultra pervenire a Vienna ad eum qui sub Gotzio est exercitum, sed mandatum Bouchamio, ut viam sibi faceret obviam sibi ituro, parte Gotziani exercitus, verum periculum ei esse ab agricolis infestis Imperatori: apud Saros partem Cæsariani exercitus, quæ erat in agmine ultimo, concisam a Rakóczianis: a Basfa autem Offensi dari spem Cæsarianis, fore, ut Rakóczius ex illis partibus abeat simul ab Imperatore Legatio venerit Constantinopolim, Hispanos, qui Francofurti sunt, magnas flare Dani victorias: spes ingentes de Gallasio: cum in conventu, qui Francofurti adhuc manet et mansurus videtur, in manibus deliberatio esset super litteris legatorum e Gallia, ostendisse legatos Austriacos, quantum Imperatori semper pax cordi fuerit, sed semper interiecta a Gallis impedimenta, præcipue vero anno CIOIOCXIII: iure quidem posse revocari tuti itineris tabulas adversus eos, qui tam procaciter contra Imperarem scripsissent, sed Imperatorem hoc solo contentum fore, si ostendunt Imperii ordines, eam, quæ capiti facta est, iniuriam ad corpus totum pertinere. Bavaricorum legatorum sententia fuit, retrahenda omnia literarum illarum exempla, et remittenda legatis Gallicis, cum ex-

pro-

probratione proterviæ et alieni a pace animi. Idem sensere Burgundici. Modestiores alii, si quid Imperator pro se aut domo sua querendum haberet, non esse impediendum. Cæterum, Principes et Ordines Imperii ita fractos bello, ut nullas nisi de pace promovenda cogitationes fuscipere possint. Quidam etiam proponunt, non abs re fore, si corpus ordinum permittatur se miscere pacis negotio iis in locis ubi id tractatur. Sed an hi numero superaturi sint cæteros dubitatur. Dux Neoburgicus dicitur multum excitare civitates ut ius suum defendant. Venio ad res Anglicas, malas sane Regi. Ingens enim accepta est clades, et Princeps Robertus, a Novicastellio et aliis qui mari Hamburgum se recepere, reus fit consiliorum audacium magis quam providorum. Post hanc cladem Eboracum deditum Parlamentariis. Oswestria et Sheropsira exemta Regiorum obsidio: ab Essexio captum oppidum Taumtonum et vicina quædam. A Bruno Londiniensi Greenlandia ad Thamesim. Princeps Robertus dicitur incendio arcium se ulcisci in vallibus Coverdaliæ, Wensdaliæ, Swendaliæ. Neucastellius a consilio militari regio damnatus desertionis crimine. Parlamentarii cum Hibernis bellum ita gerunt crudeliter, ut nemini vitam indulgeant capto. Regina Angliæ, recens a puerperio, ægra corpore, humero fiderata, in Britanniam Armaricam apud Brestum adpulit; petivit hinc medicos, et videtur itura ad aquas Bor-

Borbonias. Misus est a Regina Regente, qui ei occurrat, primum Souvraus, deinde Comes Harcurtius. Si huc veniat, arceri ab arcanis cum Regina Regente colloquiis non poterit. Omnia conabitur, ut in Germania, si pax nondum potest, induciæ fiant, et ope Regum, ad quos exemplum hoc spectare videtur, rex maritus in ius suum restituatur, cuius nunc spes omnes partim Hibernos, partim externos respiciunt. Et certe metuunt multi, ne aura ista libertatis trans mare huc perveniat. Deus hæc gubernet, idemque, Illustrissimi et Excellentissimi Domini, Excellentissimis Vestris det omnia prospera. Lutetiæ

<sup>III</sup>  
XIII Augusti CIOIOXLIV.

Excellentissimis Vestris inservire paratissimus obligatissimusque

H. GROTIUS.

De pace agitur inter Regem Angliæ et Parlamentum per Batavos magis quam per Gallos. In America Angli, secuti exemplum originis, divisi in regios et Parlamentarios, magna clade affecti sunt ab Americanis.

Vidi cum gaudio et admiratione, Ill. Dom. Baronem Oxenstiernium. Non dicam de eius ingenio, iudicio supra ætatem et summis virtutibus, quæ dici debent; sed tacitus intra me æstimationem hanc reservo.

Arcem Sartiranæ, rem non magni momenti, captam non longe a Bremo, Galli, ut sua solent, pro



pro magno æstimant. Galli, qui Zinquæ sunt, cepere arcem Gueningam sibi vicinam. Legati Castellæ, Portugalliæ, Batavorum, plane Parlamento, quod est Westmonasterii apud Londinium, eos honores detulere, quos ipsi voluerunt. Sabranus, a Gallia residens, adhuc ea in re tergiversatur.

Vidi hic prælustrem D. Baronem Oxenstjernam; quanto cum aspectu viderim, non possum verbis exprimere, cum omnia Patri eius debeam, virtutibus eius et ingenio plurimo, etiam si beneficium tam magnum abesset. Utinam diutius hic ei, ut meretur, inservire potuissem. Nihil in vita mea mihi accidisset dulcius. Nunc, cum ultra ire instituerit, nihil opto magis quam ut vita mihi eousque duret, ut in filio, cum redierit, monstrare possim, quantum patri me debere sentiam et libertissime profitear.

## XIV.

## IOHANNI OXENSTIERNÆ.

ILLUSTRISSIMÆ ET EXCELLENTISSIMÆ  
DOMINE!

**S**ignificationem ad Cæsarianos, quam accepi cum literis Excellentiae vestrae, datis XI Augusti, ut hic dies numeramus, dedi typographo, per quem iam mox in lucem prodibit. Laudo et scrip-

scriptum et vulgandi consilium. Ego quidem, quia vehementer opto pacem contingere populis tam diu miseris, speravi hactenus, omnes eos quorum res in manu est, collaturos ad tantum bonum quicquid suæ est facultatis. Putabam etiam, ex multis causis Hispanum eo ferri. De Imperatore dubitavi. Nunc vero tot ac tanta video argumenta adferri, cur is credi debeat malle bello frui quam pacem dare et accipere, ut non segniter id omnibus sim apertum facturum, et æquis hominibus facile, ut confido, persuasurus, Deum interim orans, in cuius manu sunt corda Regum, ut ea in partem mitiorem vertat, utque cum Danis, qui inevitabilem Suedis armorum necessitatem indixere, res quam minime cum sanguine transigatur. Batavi in ea re videntur fore cordatiores quam fuere hactenus. Ego eos, qui illis in locis mea consilia non spernunt, incitare non definam, ut occasionem hanc fronte capillata arripiant. Excellentiae autem Vestrae, Illustrissime et Excellentissime Domine, omnia opto prosperrima. Lutetiae, <sup>XVII</sup>  
XXVII  
Augusti CIDI<sup>CC</sup>XLIV.

Excell. Vestrae  
perpetuum serviturus ut debeo  
H. GROTIUS.

## XV.

D. IOHANNI OXENSTIERNÆ ET  
D. IOHANNI ADLERO SALVIO,  
Reginæ Suediæ etc. Legatis.

ILLUSTRISSIMI ET EXCELLENTISSIMI  
DOMINI!

**D**idici ex Status Confiliario contrarium eius quod ex Davausio intellexeram, iam vivente adhuc Cardinali Riceliaco, ita innexam federe Galliam cum Rege Regnoque Portugalliæ, ut nisi eis comprehensis pacem facere non possit. Addebat is, ex quo hæc didici, quendam collegam suum his diebus ea de re egisse cum Cardinali Mazarino. Catalanis itidem promissum, ne pax fiat, nisi ipsis sub imperio Gallico manentibus, scimus, ex ipso federe, quod multorum est in manibus, nec tam clam habetur, quam illud cum Portugallis. Velint Galli etiam cum Batavis facere, ne aut pax aut induciæ nisi communiter fiant. Cum vero non ita fractæ sint vires Hispaniæ, ut credi possit aut iure in Portugalliam abstitura aut Catalanos relictura Gallis, ut iam de Batavis nihil dicam, videtur Cardinali Riceliaco id fuisse propositum, ne pax unquam fieret: unde et moriturus nihil magis Regi commendavit quam belli persecutionem. Cum vero Cardinalis Mazarinus Riceliaci vestigiis ferme  
per

per omnia infistat, bellum præterea et tutiorem eum præstet, et multas det rei faciendæ commoditates, dubitare cogor, an pacis negotium serio a Gallis tractetur, an vero prætextus quærant, per quos pacis, quam ipsi non volunt, tardandæ invidiam in hostem declinent. Quod si bellum in Germania duci etiam e re est Suedica, non habeo quod contradicam. Sin vero Suediæ aut pax est utilior, aut in aliis locis bellum, sollicitus sum, quem res sit habitura exitum, Suedia quidem Galliæ adiuncta, Gallia vero ipsa per tot nexus impedita ne ad pacem perveniat. Sed cum ego omnes negotii istius recessus non nisi coniectura assequar, totum hoc Deo imprimis, deinde, et eorum, quibus hoc commissum est, prudentiæ, relinquo. Papa ita res invenit ab Urbano exhaustas atque obæratas, ut a cavillatoribus dicatur Papatum accepisse sub beneficio inventarii. Camillus Cardinalis futurus dicitur. Finale accepto præsidio extra metum a Gallis est. Hispanorum in Catalonia exercitus, quem Hispani vulgant esse, peditum sedecies mille, equitum quinquies mille, sed Galli multo minorem esse contendunt, dicitur ire contra Salsom oppidum, quod non multum abest a Barcinone. Harcurtius morbo an rebus nondum paratis hic detinetur, et magnus est metus ne Catalani fidem mutent, qui et Barcinonem habent in potestate et fauces illas, per quas, si velint, Galli reditum in Lan-

E

gue-

guedociam possint præcludere. In Germania arx Crucenaci adhuc contra Gallos defenditur. Cepere Galli arces quasdam, inter eas Aberstenum. Dux Carolus magna tributa exigit ex Bierfeldia et Meierfeldia. Copiarum eius maxima pars ad Mosellam se habet, nondum cum Glenianis coniuncta, et, ne id facile fiat, missus in Hondsruckiam Rosa cum tribus equitum millibus. Qui autem Gallorum circa Francothalam fuerant, inde digressi sunt, impedituri Bavaricos ne Bingam capiant. Hoechstæ Bavaris dedita nono mensis huius; Hazfeldius autem, Bavaricis seiunctus, videtur ire, ut cum Gallasio se iungat. In Hibernia ab Oncalio cæsi dicuntur Scoti octingenti: a Præstono autem Hiberno Pontificio obsideri arx Duyanana, anni Kilkeno adfita. Regina Angliæ diu petiit, ut Protestantibus, quales sunt plerique de familia eius, liberum sit religionis exercitium in Lupara: sed nihil obtinuit amplius, quam ut eis liceat coniunctim Deum precari. Mortam in Lotharingia audimus obsideri a Gallorum sex millibus, defendi a Lotharingicis mille et quingentis. A Francofurto discimus, eos, qui ibi sunt, coniugium Reginae nostræ cum Electore Brandenburgico habere pro re facta, nisi quod legati Brandenburgici non nisi parce de ea re loquuntur. Austriaci vero præ se ferunt gaudium eam ob rem, et ex ea spem bonam pacis cum Suedis, etiam nolentibus Gallis. Idem Austriaci os-

ten-

tendunt se pacem cum Rakoczio sperare, ut Gotzianis copiis adversus Galliam uti possint. Bavarus quoque, diu multa antehac locutus de eximenda Franconia, Suevia, Bavaria ex Gallorum consensu, quod iam aliquibus allubescere cœperat, acceptis a Vienna auxiliorum promissis, mutavit sermonem, et ad Monasteriense colloquium se vertit, eo suos misurus, quod eius exemplo dicuntur facturi et alii Principes. Bavari bonæ præsidia habent Stolhoviæ, Manhemi, Gernshemi: Ringaviam vastant: pontem navalem ponunt apud Bingam. Haafeldius per Fuldam transierat. Non videtur futurum ut Monasterii in unum locum conveniant legati Reipublicæ Venetæ et legati Electorum. Nolumus enim Electores ei Reipublicæ postponi, quamquam Respublica Veneta, decreto Imperatoris se prælatam, contendit. Sed putò concursum talem posse vitari. Audimus etiam ab Imperatore novos milites scribi in terris hereditariis. Deus, Illustrissimi et Excellentissimi Domini, Excellentissimis Vestris det omnia prospera. Lutetiæ  $\frac{\text{XVI}}{\text{XXVI}}$  Novembris CIOIOXLIV.

Excellentissimis Vestris  
inservire paratissimus.

Regina Angliæ, ut supra attigi, plurimos in familia sua habet Protestantes. Pro iis obtinuit, ut liceret iis preces collectim ad Deum facere

in Lupara; plus libertatis pro iis impetrare non potuit, obstantibus Edictis semper observatis, ne in hac urbe aut aula Regis alia religio exerceretur, quam ea quæ prævalet. Parlamentariis res satis succedunt feliciter; nam et Thimmuthum cepere et Leverpolam, et sperant, brevi se habituros oppidum Carsilam, arcem Bafinam, et Belverium, in cuius valle vulgant a se concisos Regionum equites sexcentos, pedites trecentos. Rex Oxoniam redierat: copiarum eius pars maxima erat apud Wolstokum. Multum prædicant Regis et Principis Roberti fortes animos ipsi adversarii. Creditur prælium imminere, si Rex servare volet arcem Duningtonam, quæ et ipsa obsidetur a Parlamentariis. Motta Odincurtius huc revocatur. Scribunt contra eum Catalani. Merciacus apud Ladenburgum, Heidelbergam, et Weinhemum maximam habet copiarum partem: pars Lotharingici militis in Flandria non longe a Gandavo. Spargitur hic rumor, de quo nihil affirmem, parari classem in Gallia viginti longarum navium, aliarum XXXII. Melitenfes magnam prædam fecere, capta Galeone Turcica. In Italia Hispani etiamnunc apud Alexandriam sunt, ut Gallorum conatus observent.

## XVI.

D. IOHANNI OXENSTIERNÆ ET  
D. IOHANNI ADLERO SALVIO,

Reginæ Suediæ etc. legatis.

ILLUSTRISSIMI ET EXCELLENTISSIMI  
DOMINI!

**R**egina Regens Mottam Odincurtium, qui pro Gallia Catalaniam, et qui ibi erant exercitus, rexit, iussit, cum ad aulam accitus veniret, capi in urbe Lugduni, et in arcem, quæ ibi est, detru-di. Fama est, eum huc duci, sive ut supplicium ferat culpæ, si ea bene comperta est, sive ut longa captivitate fedet animos Catalanorum, valde in ipsum accensos. Hoc exemplo territus Mar-chio Chaumontius, ut credo, huc non veniet. Est enim eius causa peior illa Odincurtii. Nam cum mandata haberet impediendi, ne Pamphy-lius fieret Papa, non modo pecunias in id sibi misas sibi retinuit, sed et alias est stipulatus magnas, ut illum Papam fieri fineret. Galli, qui ad superiora sunt Rheni, Crucenaci arcem cun-iculis et pulvere bellico ita impetunt, ut iam dicant, agi de deditionis conditionibus, deinde, se ituros contra Francothalam. Bavarorum equi-tatus in Franconia est, peditatus in locis inde non longe, quæ res Electorem Magontiacensem coëgit, omisâ disputatione de conditionibus in-



ter ipsum et civitatem Francofurtensem controversis, in eam urbem se recipere. Motta in Lotharingia a Gallis non tam obsidetur, quam castris circumpositis ita premitur, ut aditus exitusque habeat difficiles, et eius custodibus eruptiones quædam minus bene successerint. Cum Papa nuper Ecclesiam suam adiret Episcopalem, id est Lateranensem, multum clamavit populus, petens annonam faciliorem et levamenta tributorum, quæ Barbarini induxerant. A Cardinalibus duobus, qui res Imperatoris tutantur, et a legato Imperatoris, rogatus Papa, ut pacem procuraret, non hoc tantum in se recepit, sed et permisit Imperatori, ut milites ter mille conscriberet in terris, quas Ecclesiæ vocant, nempe contra Rakoczium. Scribunt autem multi, Papæ non placere consilium illud in Polonia susceptum de colloquio, quod metuat, ne ea res, si succedat, multum imminuat eam potestatem, quam extra Canones sibi arrogant iam pridem eius decessores. Et certe pari olim de causa Nuncius papalis abruptit colloquium Possiacum in Gallia. In Italia Princeps Thomas in urbem Taurinorum, et contra præfectus Mediolani in eam urbem recessit. Multum dubito, an verum sit, quod hic vulgatur, in Catalonia apud Claretum caesos sexcentos milites, captos trecentos. Comes Harcourtius in illas partes ire non vult, nisi cum magno exercitu et apparatu, parum fidens Catalanorum valde mobilibus animis.

Ex

Ex Constantinopoli literæ, sine scriptæ Septembris, nunciant, Parthenium, vi pecuniæ, quæ multum in illa aula valet, demotum a Patriarchatu, relegatum in insulam Rhodum, suffecto illi altero Parthenio Adrianopolitano, qui Calvinii sententiis affinis esse creditur: legatum Imperatoris, qui ibi erat, quanquam magna attulerat munera, non multum posse: plus auctoritatis fore legato a Suedia, etiam si absque muneribus veniret. Sed forte, quæ ibi agi possunt, legatus Gallicus, sine labore et sumtu regni Suedici, bene expediet. Venit ad me his diebus Dominus Baro Germanus, qui in maxima est apud Reginam Angliæ gratia, nec minore quam Cardinalis Mazarinus apud Reginam Galliæ. Is cum de rebus Britannicis multa apud me disseruisset, mihi non incognita, dixit rumorem hic esse, de quo et ipse audieram, Scotum quendam e Suedia venisse Londinium, cum mandatis faciendi federis cum Parlamentariis, ad arcendum inferendumque bellum. Respondi ei, me nihil habere de ea re compertum, sed, cum Suedia causam curet communem libertatis commerciorum, non miraturum me, si, sicut Batavi ad tam gloriosi consilii societatem invitati sunt, non sine bona spe successus, etiam invitentur Angli; et cum mari nunc plus possint Parlamentarii, quam pars Regi adhærens, fieri posse, ut ad eos istud negotium expendendum deferatur. Quod si verum sit id, quod Regina Regens

Galliæ dixit D. Gorino, legato hic regis Angliæ, regem Angliæ participem fuisse eorum consiliorum, quæ in exitium Suediæ a Dano, Polono et Moscovita fuscepta fuerant, neminem miraturum, si, præterito Rege, Suedi suas res, ut possunt, curent: me vero, cum de istis rebus nihil habeam certi, scripsisse in Suediam et ad Legatos Suedicos, ut certiora de ea re cognoscam. Ad hæc D. Germanus ad id, quod dixeram, dici Regem Angliæ cum hostibus Suediæ sua sociasse consilia, nihil certi respondit. Cæterum ostendit, sperare se ut, si quid cognossem, Reginam Angliæ consciam facerem. Videmus, quid effecturi sint Richemontius et Southamptonius, a Rege missi ad Parlamentarios, cum novis conditionibus. Credo, spem Regis potissimam esse positam in spe disfidiorum, inter nationes ingenio discordes, Anglos et Scottos, inter ordinem Nobilitatis et Plebis, inter eos, qui Episcopos et veterem liturgiam amant, et eos, qui omnia quærunt nova, inter eos, qui pacem bello et bellum paci præferunt. Gaudeo, literis ex Batavis me intelligere, ad meliora consilia verti etiam eos, qui antehac obstitere, quominus ea respublica vires suas coniungeret cum Suedia, ad mare compedibus Danicis liberandum. Non cessabo ventilare hanc facem. Brugius huc a Polonia rediit, rebus, ut dicitur, bene confectis: a Marescallo Torstenfonio Avangurius nuncios ferens hic pergratos. Duo, qui res  
ege-

agerunt, Marescalli Odincurtii, in Bastiliam sunt coniecti, ut cuncta eius arcana nōsantur. Est hic nunc Synodus Reformatorum, quorum delegatos mira comitate excepit Cardinalis Mazarinus. Dux Lotharingus et Santecroia ipsius Bruxellæ magno cum honore excepti sunt. Dicitur anno hoc militaturus Hispano in Belgicis partibus, militemque hac hyeme collocaturus in Lutsemburgico, Iuliacensi et Clivienfi agro. Elector Palatinus valde se popularem facit Londini, nescio qua spe. Stella, qui nunc pro Gallia Argentorati est Residens, scripsit literas ad civitatem Francofurtensem, ut, si a belli motu velit esse immunis, se in tutelam det Galliæ. Qui in præsidio sunt Francothaliæ, hactenus ad Magontiacum usque excurrunt. Fama quædam est de matrimonio Regis Hispaniæ cum Domina Oenipotana Principe. Laborat Gallia, ad comprimendas discordias Tigurinorum cum vicinis: Helvetii, ad componendas eas, quæ sunt inter Rhætos. Perfecta sunt munimenta circa Philippiburgum. Principes Italiæ, qui contra Barbarinos fuere, petunt a Papa, ut ipsorum actus approbet, ut qui nihil moliti sint contra Ecclesiam aut sedem Romanam. Castellani cum quatuordecim millibus esse dicuntur apud Badaiozum: Portugalli inde non longe apud Elvam: sed nihil agere magni. Navis Turcica, quæ a Melitensibus fuit capta, machinas habuit sexaginta: præda æstimatur ad milliones duos. Afri

piratæ appatent in mari inter Hispaniam Angliamque. Regis Angliæ equitatus ab excursibus factis Oxoniam rediit. Dicunt, qui Parlamento favent, quatuordecim Scotorum millia invasura partem Angliæ Australem. Sed puto hæc, ut multa talia, supra verum inflari. Deus, Illustrissimi Domini, Excellentis Vestris det omnia prospera. Lutetiæ, anni apud nos CIOIOXLV die septimo, quem annum Excellentis Vestris felicissimum precor.

Excellentis Vestris  
inservire paratissimus

H. GROTIUS.

Audimus, Turcam in Stiriam irrupsisse: Constantiam Pamphyliam, natam ex fratre Papæ, nubere Principi Plombini: Bavaricos multos partim esse ad Suevicam vallem, partim ad Northingham, Mergenthaliam et apud Augustam et Ulmam et in Baviaræ finibus. Sabranus, Gallicus Residens, multum Londinii laborat, ut Galli, durante civili in Anglia bello, ab utraque parte illacesciti, fruantur mari et commerciis.

XVII.

D. IOHANNI OXENSTIERNÆ ET  
D. IOHANNI ADLERO SALVIO,  
Reginæ Suediæ, etc. Legatis.

ILLUSTRISSIMI ET EXCELLENTISSIMI  
DOMINI!

**C**onventurus Reginam Regentem, ut eam orarem, curam gereret augendi, et quamprimum in apertum producendi, exercitum Gallicum, qui nunc a Marescallo Turenæ regitur, prius adii, ut Regina Regens ab omnibus legatis fieri voluit, D. Comitem Bryennium, eique, expositis rebus magnis a D. Marescallo Torstenfonio gestis, exposui mea postulata. Ex responso eius cognovi, tardum id fore negotium, quia Germanum militem novum conscribere volunt, ad implendum illum exercitum, Gallis militibus illa loca non amantibus, Helvetiis vero semper se excusantibus, ubi aliquid in Imperii finibus agendum est: deinde volunt Galli ubertatem pabuli expectare, nullo facto aut exiguo foeni provisu. Ostendit idem D. Comes Bryennius, vehementer hic desiderari nostram cum Dano pacem. Regina Regens valde indefinita respondit de suo optimo in Reginam nostram affectu. Ita solet. Sed ex D. Avangurii, qui ex castris D. Torstenfonii huc venit, sermone cognovi, multum hic metui,

ne

ne D. Torstensonii arma, non versus ea loca, in quibus est Princeps Rakocius, sed contra Bavarum se vertant, cum quo rursus nova in arcano Galli habent commercia. In Cruceburgo capto non modicum lucri fecere Galli. Nam et ingentes ut cepere pecunias exigunt de Transrhenanis locis, et itinera, illis in partibus, Cæsarianis et Hispanis, versus Belgicas partes turbabunt. Marescallus Turenæ Catzenelleburgiam pro Landgravia Hassica exigit a Darmstadenfi, et triginta millia Thalerorum Imperialium, aut, pro illis, mille equos. Imperator miserabilem plane epistolam scripsit ad Ducem Bavarum, ut ab eo, rebus suis afflictis, subsidia adipiscatur. Itaque movent se versus partes laborantes Waertius cum equite, cum pedite Merciacus. Creduntur et ex Hungaria copiae venturæ in Germaniam aut Bohemiam, ut res tulerint. Saxonici, qui sunt in conventu Francofurtensi, (nam is etiam nunc durat) consentiunt, ut Electores aut eorum legati eant Monasterium. Bavarici iam isti itineri se dedere. Videtur autem, non tantum Electorum, sed quasi conventus quidam Imperii totius futurus Monasterii. Hæc Francofurto nunciantur. Ex D. Bryennio etiam hoc intellexi, Gallicæ partis Cardinales adhuc laborare Romæ, ne ex Papalibus terris miles Imperatori mittatur, qui, uti in potestate erit Imperatoris, possit non contra Rakocium mitti, sed contra Gallos et Suedos, et illorum ami-

amicitiā labefactare, hos autem hostes facere Papæ. Attamen ex Italia scribitur, non tantum tria millia militum a Papa ventura Imperatori, sed alia præterea decem millia ab aliis Italiæ Principibus, excitante eos, ut credibile est, Papa. Didici etiam ex D. Bryennio, Residentem perpetuo aliquem ex Gallia apud Reginam nostram futurum: videri autem primum ad id munus exercendum fore Baronem Rorteium. D. Cerisantes aditum postulavit ad Reginam Regentem et Reginam Angliæ. Responsum ei est, missum eum ad res Danicas, nullas visas literas, qui ei Residentis munus imponerent, quodsi id esset, tamen non eius esse agere, quæ legatus agere velit. Crudenacum deditum est Gallis XXVI Decembris. Non fecit pro ea arce servanda quæ potuit Dux Lotharingus, qui equitatus sui partem ferme alteram misit in Flandriam. Glenii copię tenues scribuntur esse inter Confluentes et Aldernacum, sed inde dicuntur ire in Iuliacensem agrum: Bavarici in Franconia maxime, partim ad Hallam Suevicam et Augustam. Francothalia ita undique a Gallis premitur, ut tandem in ipsum forum manus ventura credatur. Pars Gallorum hyberna habet apud Trosbachium et Bernocastellum. Audimus, Imperatori etiam concessam pecuniam aliquantam, ex fructibus bonorum Ecclesiasticorum, in regno Neapolitano. Gallos quosdam, in hybernis minus caute se tenentes, Hispani male habuere, tum in Catalonia tum in Ita-



Italia: hic Hispani ex Finali: illic ex Tarra-  
 gona. Novus legatus ab Imperatore Constanti-  
 nopolim mitti dicitur. Erfordienſes præſidiarii  
 Lauringam oppidum irrupere. Cardinales He-  
 rachius et Sabaudus dicuntur a Papa mitti ad  
 pacis negotium. Cardinalis Antonius in periculo  
 eſt ne reus fiat. Helvetii Pontificii cum Medio-  
 lanenſi præfecto nova quædam pacta fecere.  
 Ipſe autem Præfectus, preſſus pecuniæ inopia,  
 deſiderat in Hispaniam redire. Ad obſidendam  
 Mottam Lotharingiæ, pulvis bellicus, globi et  
 alia neceſſaria, venerunt a Nanciaco. Veriti ſunt,  
 qui agros colunt, quicquam obſeſſis conferre.  
 Sed ob tormentorum ictus ex Motta paulo lon-  
 gius a vallo oppidi confederunt Galli. Manent  
 induciæ inter Ducatum et Comitatum Burgundiæ.  
 Princeps Condæus inde huc rediit. Abiit iam  
 familia et custodes corporis Comitæ Harcurtii.  
 Ipſe Februario mense ſequetur. Contra eum  
 imperium habiturus dicitur Leganeſius. Plesſia-  
 cus Pralinus legatus erit pro Gallia Romæ. Rex  
 Angliæ, dum Londinii per ſuos de pacis con-  
 ditionibus agit, ſperavit dolo capere Plimuthum,  
 Readingam et loca alia. Princeps Robertus in  
 Australia Angliæ ſe inferre dicitur. A Baſinga-  
 mi obſidione depulſi Parlamentarii. Poſtquam  
 hæc ſcripſeram, vidi Ducem Aurelianenſem, ei-  
 que commendavi negotium ad Rhenum, facturum  
 idem proximis his diebus apud Principem Con-  
 dæum et Ducem Anguianum, qui nihil magis de-  
 ſi-

EPISTOLÆ INEDITÆ. 79

ſiderat quam redire ad eum exercitum et eo quam validiſſimo uti. Deus, Illuſtriſſimi et Excellentiſſimi Domini, Excellentiis Vſtris det omnia proſpera. Lutetia  $\frac{IV}{XIV}$  Ianuarii CIOCCXLV.

Excell. Vſtris  
inſervire paratiſſimus  
H. GROTIUS.

Pedites quidam a Napoli miſſi ſunt in Hiſpaniam. Romæ Galliæ inſignia ablata ſunt ædibus Cardinalis Theodati, qui ſecundus erat Galliæ Protector. Dicuntur hic Hiſpani reiecti ab obſidio Eluæ in Portugallia, et, quo maior ſit Portugallorum gloria, dicuntur Hiſpani Caſtellani fuiſſe ad tredecim peditum, tria equitum millia.

XVIII.

D. IOHANNI OXENSTIERNÆ ET  
D. IOHANNI ADLERO SALVIO,

Reginæ Suediæ etc. Legatis.

ILLUSTRASSIMI ET EXCELLENTISSIMI  
DOMINI!

Vidi Principem Condæum atque ei commendaſſi negotium de augendo et quam maturriſſime in apertum producendo exercitu, qui eſt ad ſuperiora Rheni. Oſtendi, quanta eius ſilium D.  
An-

Anguianum inde maneret gloria, si aut tam bene inchoatas a se res feliciter proverberet, aut Germanos per se pacem desiderantes sed ingenio tardos ad pacem impelleret. Promisit, se in hac re facturum, quæ posset, tum Galliae tum Suediae, tum filii sui causa. Germanus miles apud Argentoratum legi incipit: qua in urbe Stella multum prædicavit sincerum Galliae studium in restituenda Germaniae libertate, quod unum præmium tot laborum impensarumque ab ea spectari. Ibit Francofurtum, dicturus similia, et ad alias urbes, ubi se tuto futurum putabit. Francofurtensis conventus nondum discescit. Literæ a D. Serviano illuc misæ lectæ non sunt, sed mittuntur ad Imperatoris aulam, ut is præiudicet. Magna ad omnem ripam Danubii est trepidatio ob nostrorum prosperos successus. Creditur autem Darmstadiensis Landgravius, quam poterit diu, obstiturus libertati Landgravii Frederici, ut ea ratione facilius ex sua spe finiat controversias Marpurgenses, quando is Princeps in domo Casselensi solus est, qui ius suum non abdicavit. Merciaci copiae ad Harbrunam erant, præter partem non magnam, quam sub Sporckio ad Hazfeldium miserat. Marescallus Turenæ ad Magontiacum rediit. Qui Philippiburgi in præsidio sunt, ibi continentur, nec excursus faciunt, nempe, ne exercitui cætero auferant alimenta. Constituit Magontiacensis Elector, respondere ad literas, per quas ad colloquii locum

cum invitatur. Marchio Sanctichaumontius, qui dicitur sedem Apostolicam pretio addixisse, huc revocatus, ne eat, advocatum sibi sumpsit podagram, attestante ipso Pontifice. Sicut Galli arcem quandam in via ad Censum ignibus corrumpere, ita fama est, velle Hispanos Bremum solo æquare, priusquam a Gallis capiatur. Regi Hispaniæ multa proponuntur matrimonia Onipontanæ, Mantuanæ, Mutinensis, Florentinæ, præter eas, quæ sunt in Gallia et alibi. Barbarinis non succedit imploratio opis Hispanicæ. Magno fulmine ex arce Vaticana illa domus percutitur. Ex Bapalma Galli egressi poenas Hispanis dederunt. Hispani vero, cum, gelu freti, Wattam oppugnare vellent, reiecti sunt. Intelligimus, Ducem Bavarum callide et apud Imperatorem et hic in Gallia conditiones proponere, per quas sibi consulit, et apud Imperatorem, cum superioris Palatinatus possessionem videat titubare, petere eum, aut XI milliones bello impensas, aut, quas antehac habuit, ad Onasum terras: Turcam autem in limite Hungarico multum sua augere præsidia: Rempubicam Venetam clam multa facere in gratiam Imperatoris: cæsos Portugallos mille ad Talaveram: iactare Bavaricos, habituros se vere proximo XIV millia hominum, præter eos, quos Imperatori aut commodarunt, aut sunt commodaturi: Austriæ Ordines paullum aliquid conferre ad tantas Imperatoris necessitates, ducenta et quin-

quaginta millia Florenorum, equites sexcentos, quater mille modios frumenti. Varie hic disferitur de milite, quem scribere dicitur Elector Brandeburgicus. Deus, Illustrissimi Domini, Excellentissimis Vestris det omnia prospera. Lutetiæ  $\frac{XI}{XXI}$  Ianuarii CIDI CXLV.

Exc. Vestris

inservire paratissimus

H. GROTIUS.

Vidi et Ducem Anguianum: laborat ille quidem, ut exercitus ille augeatur, ad quem ipse iturus est, sed ante menses duos non putat id effectum iri; et sic censent et alii. Motta in Lotharingia tam laxè circumfidelur, ut aditus exitusque adhuc sint liberi. In Britannia Armorica Ordines habentur Sancti Audomari, et locorum vicinorum præsidia auxere Hispani. Ducis Aurelianensis uxor, falso prægnans credita antehac, iterum nunc creditur uterum ferre. Leguntur milites in Ducatu Burgundiæ, in Languedocia Provincia. Princeps Arausionensis equos misit Regi longe optimos. Recepti sunt comiter et cum gratia. Parlamentarii Angli legatos in Scotiam mittunt et pecuniam ad Scotos, qui in Hibernia sunt. Vesuvius mons in Italia incipit flammam vomere, quod satis rarum. Apud Ilerdam Hispani, sed non multi, a Gallis oppressi sunt.

## XIX.

## D. IOHANNI OXENSTIERNÆ.

Hæc Epistola edita legitur in Grotii Epistol. Ed. Blaauw. Amstelod. 1687. fol. II. p. 741. N<sup>o</sup>. 1723, ubi tamen desideratur, quod hic ad calcem adiectum legitur:

„ Venit et hoc in mentem, si procedit in Polonia colloquium, arbitrari me, nihil ibi perscribi debere, nisi de quorum aut veritate aut certe sentiendi permissa libertate convenerit.”

## XX.

D. IOHANNI OXENSTIERNÆ ET  
D. IOHANNI ADLERO SALVIO,

Reginæ Suediæ etc. Legatis.

ILLUSTRISSIMI ET EXCELLENTISSIMI  
DOMINI!

**P**arlamentum Parisiense graves querelas ad Reginam Regentem detulit de frequentibus admodum evocationibus causarum ad Consilium Regium, ubi sæpè res contrariis decretis iactaretur. Regina Regens respondit, sibi iura Parlamenti cordi esse: nec pridem tale aliquid factum. Illi regesfere, factum hoc eo ipso etiam die. Et cum alia attingerent, antehac contra le-

ges iudiciorumque ordinem facta, dixit hæc Cardinalis pertinere ad tempora Ludovici XIII, cuius ita veneranda esset bona memoria, ut eius acta vellicari minime oporteret. Cum vero Regina alio tempore, se posse quasvis pecunias imperare populo sine Parlamento, dixit Princeps Condæus, id non bene succedurum, neque se suspectum esse debere factionis, qui bona haberet in omnibus Regni partibus, illico amittenda, siquid commovisset. Est hic Carentoni Synodus Nationalis Reformatorum. Ab ea impetravit Mileterius, ut quidam delegarentur, collocuturi secum de iustificatione. Facta est in scriptis collatio nullo cum fructu. Papa non tantum in id laborat, ut Gallos, si possit, ex Italia amoveat, ita tentato Principe Thoma, ut eum Galliæ suspectum fecerit, verum etiam excitat omnes Italiæ Principes ac Civitates, ut Regi Angliæ militem aut pecunias mittant. Et dicitur Ethruscus aliquid promississe. Miles Gallicus in Montisferratenfibus locis gravissime plebem vexat. Misus, qui de eo querelas in aulam Gallicam deferret, Bidosenus, in itinere, nescio a quibus, interfectus est. Arces Culisfanum et Cararam, in regione Langæ, Galli, quod ægre defendi possent, disiecere. Casimirus, antequam Cardinalatum adeat, se presbyterum faciet, ita volente, ut dicitur, Poloniæ Rege. Ex Constantinopoli discimus, laborasse ibi legatum Imperatoris, ut pax perpetua fieret, ut. Ra-  
koc-

koczius iuberetur arma pōnere, ut Latinis restituantur claves sacrorum locorum, quas ab aliquo tempore Græci tenent. Videtur nihil efficere. Interim ad Sultanum perlata sunt centum et quinquaginta millia sequinorum, ex thesauris repertis apud Tunetem. Forte illi sunt thesauri, de quibus olim Cefellius Basfus somniaverat apud Tacitum. Audimus, LV Ducatorum millia a Neapoli Mediolanum mitti: quater autem mille augeri exercitum Hispanicum in Catalonia. Beckius, præter Luxemburgicum, etiam Trevericum agrum et proxima Mosellæ servat: Iohannes autem Waertius bis mille et quingentos, partim pedites, partim equites, dicitur Hazfeldio adducere. Dux Bavarus interea militem novum scribit apud Ulmam, Augustam et alibi. Cepisse autem eius milites dicuntur Crombachum et Brukselam. Marescallus Castilionæus Dominae Boutevillæ ex decreto Parlamenti significavit, ne ea filiam suam filio ipsius nuptum daret sine suo assensu. Regina interim eas nuptias promovet. Duci Longevillano concessum est, ut sit de Consilio Regiminis. Ex Francofurto discimus, dure tractari a Gallis agrum Darmstadiensem: Cæsarianos aliquid cogitasse de recipiendo per glaciem Philippiburgo, sed sine eventu. Magni in illis locis sunt rumores de Turcis, magna Gallorum pecunia emptis, ut bellum facerent Imperatori, qui a Lintzio iturus credebatur aut Pragam aut Neustadium. Electorem



autem Magontiacensem, benignis et omnia ad dignitatem sustinendam necessaria promittentibus literis, invitat, ut ad se veniat, dissuadente id Capitulo, et optante, ut Electori sibi que liceat, Gallorum concessu a belli actibus et consiliis abstinere; quod ut facilius obtineatur, dedit is Elector Stellæ, Francofurtum venturo, tuti itineris literas. Mittit civitas Francofurtensis Syndicum suum ad pacis colloquia. Legatus Hispaniæ palam queritur de Duce Bavaro, quod is, cum solus ob sua commoda pacem hactenus sit moratus, nunc in arcano cum Gallis nova agitet consilia. Erat Mercius Hallæ, Sporckius, cum equite, in superiore Palatinatu, alii equites ter mille apud Nurembergam, equi præterea ter mille a subditis sumpti, ad reparanda damna, hoc anno facta, severeque vetitum equos evehere. D. Serviani epistola lecta nihil adfert novi. Deus, Illustrissimi et Excellentissimi Domini, Excellentissimis Vestris det omnia prospera. Lutetiæ  $\frac{\text{XVNI}}{\text{XXVIII}}$  Ianuarii CIOIOXLV.

Excellentissimis Vestris  
inservire paratissimus  
H. GROTIUS.

Ex Anglia audimus, viginti dies sumptos, ut de pace agatur inter Regis legatos et eos, quos mittent Parlamentarii Angli et Scoti: præcipua esse capita de religione, de collatione munerum militarium, de bello in Hibernos. Archiepiscopus

pus Cantuariensis erat damnatus capitis. Octodecim naves, quæ Bristolò exierant, captæ a Parlamentariis. Plimuthum a Regiis premitur. Monterosus Scotiam vexat. In occidentali parte Britanniae Rex habet decem hominum millia. Induciæ in illis locis nullæ. Dux Carolus a Cepturionibus nonnullis deseritur. Et ex Wattenæ Galli, ex Motta Lotharingi excursus faciunt. Hibernorum duo millia in Britanniam Armoricam advenere, ut Galliae militent. Tingi, urbs Mauritaniae, quam Portugalli tenent, à Mauris vicinis oppugnatur. Sunt ii ad duodecim equitum, septemdecim peditum millia. Hispani, qui sunt in urbe Rosarum in Catalonia, dicuntur præfectum suum, a quo dure tractati erant, occidisse. Bis mille Bavarici milites sub Iohanne Waertio ad Hazfeldium eunt. Arcem Rudelshemii in tractu Darmstadiensi dicuntur Galli velle obsidere.

## XXI.

## D. IOHANNI OXENSTIERNÆ.

Edita est in: Hug. Grotii Epistolæ. Amstelod. 1687. II. p. 742. N°. 1727.

D. IOHANNI OXENSTIERNÆ ET  
D. IOHANNI ADLERO SALVIO,

Reginæ Suediæ etc. Legatis.

EXCELLENTISSIMI ET ILLUSTRISSIMI  
DOMINI!

**C**omes Harcurtius iam abiit in Catalaniam. Dux Longovillanus in Normanniam ivit, inde iturus, ut putatur, Monasterium: Elector Palatinus et suis hic ministris negotium dedit, et alios rogat, ut, quantum fieri possit, impediant, ne Dux Bavarus consequatur, ut in hoc bello sibi quiescere liceat. A Francofurto discimus, Imperatorem assensum præbuisse ei rei, quam impedire non poterat, nempe ut Imperii membris liceat suos Monasterium mittere, atque ibi conferre quantum quisque poterit ad bonum publicum: Epistolæ D. Serviani nihil responsum aliud, nisi, nihil opus esse uni legatorum respondere, cum ambobus responsum esset: esse Pragæ Imperatorem, ut inde speculetur belli eventus: Viennæ scripta edita contra abolitionem indefinitam: Duces Pignoredam, Medinam, Torresium, Salamancæum, et Cameracensem Archiepiscopum mitti ab Hispano ad pacem promovendam: iungi copias Hazfeldii, Gotzii, Waertii, Gallassii: a Constantinopoli mandata venis-

nisse ad Principem Rakoczium, ne pacem faciat, eius aulæ iniusfu: ægre a Marescallo Turenæ retineri copias dispersas cis et uls Rhenum, in ea maxime loca, quibus pabulum suppetit: sperare tamen, qui cum eo sunt, Gallos, brevi se posse potiri Hoehsta, Coningsteno, Friburgo, et tributa capere de Wetteravia, maxime, si Landgravia, acceptâ, quod creditur, pecuniâ quadringentorum mille scutatorum, sua Gallis hyberna concedat. Idem Marescallus Turenæ in Palatinis terris restituit ministros Electorales veteres, et religionem tum Regis sui, tum suam, nulla habita, ut audio, ratione eorum, qui Augustanæ sunt confesfionis. Civitas Wormatia in hac aula conqueritur, quod in ea urbe idem Marescallus Calvinismum introducat, nunquam ibi receptum. Ex Anglia audimus, Archiepiscopatum Cantuariensem iam alii attributum Regis auctoritate. Dux Lotharingus obtulit operam suarum copiarum Reginae Angliæ, sed facere id creditur, ut plus ab Hispano obtineat. Velit enim copias suas augeri ad octo millia. Interim etiam hic conditiones tentat, et, quia suspectus ipse est, obtinuit, ut frater eius Princeps Franciscus huc venire et pro ipso res agere posset. Galli, quia Batavis opus habent, volunt circa honorum testimonia omnia illis concedere. Disputatio manet, utri legati alteros accessuri sint priores, qua in re legati Batavi, qui posteriores venerant, antehac legatis Danicis in hac ur-

be concessere. Tam Rex Hispaniæ quam Dux Lotharingus dicuntur militem legere in tractu Leodicensi, Colonienfi, Iuliacenfi, Montano. Galli, qui in Cafali erant, in Burgundiam et Lotharingiam venerunt. Hispani, qui Bruxellæ sunt, dicuntur invidere et Piccolóminæo et Bucquoio, quorum hic, ut indigena, ille ut suavis moribus, magis indigenis placent. Gasfio intercepti commeatus, qui advectabantur oppido S. Andomari; et in eodem oppido quidam supplicio dicuntur affecti, qui cum ipso consilia fociaverant. De Motta Lotharingiæ arctius premenda sermones sunt. Princeps Condæus graviter laborat ex calculo. Marchio Sanctichaumontius propius Romam accessit. Legatus ab Etrusco parem cum Regum legatis honorem obtinere non potuit, iussusque a suo Principe fuit eos fumere, qui darentur. Lotharingia in vastitatem redigitur per exactiones militares. Languedocia milites recusat accipere quos mittit eo Regina Regens. Deus, Illustrissimi et Excellentissimi Domini, Excellentiis Vestris det omnia prospera. Lutetiæ  $\frac{xlv}{xxiv}$  Februarii CIOCCXLV.

Excell. Vestris  
inservire paratissimus

H. GROTIUS.

Rex Hispaniæ creditur Admiranti Castellæ, qui nunc Neapolim regit, daturus summum imperium belli per Hispanias: Cardinali autem Tri-

## EPISTOLÆ INEDITÆ. 91

Trivulcio præfecturam Neapolitanam: auferre Marchioni Tarracufæ imperium in copias per Castellam, et ad honores revocare Philippum Sylvam et Iohannem Garaïum; Marecallus Turenæ, nihil aliud habens quod agat, auxit præsidia Baccharachi, Bingæ, Oppenhemi, Magontiaci, Wormatiæ, Spiræ, Philippiburgi, Germeshemii, Landaviæ, Neustadii, profectus ipse Spiram et Philippiburgum, ut ea loca inspectet. Rosa maior per Brisacum ivit in Sueviam, cum mille ducentis equitibus, peditibus sexcentis, expectans alios equites sexcentos, pedites quadringentos. Ducis Lotharingi copię se tenent in Hainavia, Guerceti, Averi, Malbodii, pars inter Sabim et Mosam. Piccolominæus sperat se decem millia militum supra eos, qui antehac fuere, exhibiturum sine novis oneribus, per parsimoniam publicæ pecuniæ. Archiepiscopus Machlinensis mille equos emit de suo ad augendum equitatum Hispanicum. Ordines Britannię Armoricæ miserunt, qui fidem suam Regina Regenti testentur.

### XXIII.

#### D. IOHANNI OXENSTIERNÆ.

Edita legitur in: Hug. Grotii Epist. Amstelod. 1687. fol. II. p. 744. N<sup>o</sup>. 1737.

### XXIV.

## XXIV.

D. IOHANNI OXENSTIERNÆ ET  
D. IOHANNI ADLERO SALVIO,

Reginæ Suediæ etc. Legatis.

ILLUSTRISSIMI ET EXCELLENTISSIMI  
DOMINI!

**A** Francofurto discimus, Cæsarianos sperare, se breviori itinere posse prævenire Martellum Torstenonium, ne in Moraviam penetret et cum Principe Rakoczio se iungat; esse cum iis Bavaricorum quinque millia, sed commodata ad dies quindecim, quibus elapsis novam a Duce Bavaro petendam auxilii istius continuationem, et dubitari, an tam longe a suis finibus se duci sint passuri: Gallos autem, qui Francofurti sunt, dicere, se daturos CCC millia Thalerorum Imperialium Rakoczio: habiturum eum a Torstenonio duo millia Germanorum: datum vicissim Rakoczium de suis sex millia: incessurosque et hunc et illum exercitibus divis: etiam cum sex millibus ivisse Rakoczium, ut Olmutzio subveniat: Bavarum autem hoc agere, ut, etiamsi res domus Austriacæ retro eant et quidam Principum se causæ subducant, ipse tamen suis se viribus sustineat et seorsim pactione aliqua sibi consulat. Has ad Marpurgum dicebantur suas augere copias. Francofur-

furtenfis autem conventus erat mansurus. Gremionvilla legatus Galliæ Romam venit, multa-  
 attulit secum contra Cardinalem Antonium. Vi-  
 detur Papa confirmaturus Episcopos, quos elegit  
 Rex Portugalliæ. Veneti autem non minus quam  
 Melitenfes a Turca sibi metuunt: habent quidem  
 pacem, sed incertam, diciturque Turcarum Sul-  
 tanus portum in Creta petiisse commodato: quod  
 cum negatum sit, rupta commercia: addunt qui-  
 dam etiam, a Turcis capta quædam Dalmatiæ  
 loca, quæ tenebantur a Venetis: Venetos mit-  
 tere quidem munera Constantinopolim, si sic  
 placari ea aula possit: interim augeri ab iis  
 Cretæ præsidia, militemque scribi in Tirolis et  
 Rhætia. Casale in Italia diligenter muniunt  
 Galli. Marescallus Turenæ Spiræ est. Austria  
 Imperatori donare dicitur millia florenorum cen-  
 tum et supra sexaginta. In Belgica Hispanica  
 magni fiunt delectus. Rumor quidam est, duci  
 a Rege Hispaniæ sororem magni Ducis quæ tri-  
 ginta et octo habet annos. Regina Regens qua-  
 tuor naves longas dono dat Melitenfisibus. Sunt  
 qui suadent, ad pecunias reperiendas, ducentos  
 florenos annuos exigendos ab iis, qui carrucas  
 habent. In Anglia audimus ita interrupta col-  
 loquia, ut spes sit ea repetendi: capta a Par-  
 lamentariis Schrouwsburgum et Scharborougum,  
 et hic quidem captas naves XII, quatuor ma-  
 chinas, arma multa: novas copias scribi a Par-  
 lamentariis, ab iisdem mari invectos in Plimu-  
 mu-



thum commeatus, et eruptione facta damnum datum obsidentibus. Legati Italorum Principum simul apud Cardinalem fuere his diebus. Martinus ad Marescallum Turenæ ducit augmenta copiarum. Deus, Illustrissimi et Excellentissimi Domini, Excellentiss Vestris det omnia prospera.

Cutetia<sup>VIII</sup><sub>XVIII</sub> Martii CIOIOXLV.

Excellentiss Vestris  
inservire paratissimus

H. GROTIUS.

Harcurtius Narbona transiens sex millia militum ex illis locis in Catalaniam transmisit. Dux Carolus Mottam in Lotharingia sperat se liberare ab obsidio posse. Legati Batavi Parlamento proposuerunt, cum religionis causa communiter et Batavos spectet et Parlamentarios, sperare se, a Rege Magnæ Britanniae posse obtineri ut, quod Synodus Nationalis Angliæ canonice congregata, advocatis etiam ex Germania et Hollandia doctoribus, decreverit, eo stet. Non placuit hoc Parlamentariis, qui dixerunt, suam religionem sibi esse cognitam. Inducias etiam aut dimissionem militis ab utraque parte noluerunt concedere. Interim qui sub Essexio fuere milites, postquam ille ex Parlamenti decreto se ab imperio abdicavit, tumultuose agunt: tres turmae ad Regem concessere. Wallerus conatus fuit in Farnhamum arcem se recipere. Haltam arcem in Wallia cepere Parlamentarii. Qui eiusdem in  
Hly-

Hybernia partis sunt, Galwaiæ, Drohedæ, Dunkalbæ, oppidis, improsperas struxere infidias, Hollandis autem custodienda offerunt oppida Corham, Brandobridgiam, Kenfalam, Veogilam. Obsident Hyberni Romanenses castellum Dunkananum, occupatum a Parlamentariis Hybernis. Turcarum Sultanus habiturus dicitur naves longas CC, bellicas CCC, cum multis Tartaris, et in illis navigiis, quæ Barcæ et Polacquæ dicuntur. Initio Maii partim ex convenient Navarinum in Peloponneſo, partim mare obtinebunt inter Melitam et Siciliam, non minore Regis Hispaniæ quam Melitenſium cum metu.

Regi Poloniæ audimus Austriacam offerri coniugem: Marciacum apud Stutgardiam obſervare conatus Roſæ, qui Tubingam redierat. Sultano Ibrahimō natus est filius. Petit Sultanus ab Imperatore, ſi pacem velit, tributum pro Hungaria. Munus annuum a Principe Rakoczio gratum ibi fuit.

## XXV.

D. IOHANNI OXENSTIERNÆ ET  
D. IOHANNI ADLERO SALVIO,

Reginæ Suediæ etc. legatis.

ILLUSTRISSIMI ET EXCELLENTISSIMI  
DOMINI!

**M**agni hic ſunt rumores et magna gaudia  
de felice D. Mareſcalli Tortenſonii proelio, de  
que

quo literæ venerunt quidem multis ex locis, sed expectamus certiores. Francofurti credebantur in loca propinqua conventuri D. Torstenfornius et D. Rakoczius. A Comite Tzerino missus quidam Viennam venerat, qui ostenderet, quibus modis Sultanus placari posset, non inutiliter, ut videtur; dicitur enim Basfa Offensis excursus ante fieri solitos inhibuisse. Mirantur prudentes, hoc ipso tempore novum ab Imperatore factum edictum contra A catholicos. At vero Catholici Romani in Imperio Principes dicuntur cogitare de fide Galliæ imploranda; sed quam suspectam habet Elector Magontiacensis, in id exempla aliquot afferens etiam recentia. Certe loca, quæ a Gallis tenentur, magnis premuntur exactionibus. Marescallus Turenæ et in Wormatiam introduxit Genevensem Reformationem, et Lutherani queruntur sibi Oppenheimi et aliis in locis sacrorum libertatem non permitti. Quæ ad pacem proposuit D. Servientus, habentur Francofurti non pro novis, sed pro explicatione uberiore eorum quæ dicta sunt antehac. D. Beaupuyus, nobilis domesticus antehac Ducis Beaufortii, qui Romæ asylum sibi futurum putabat, captus ibi est, et quatuor navibus longis huc mittitur. Obligavit quidem Papam Cardinalis Mazarinus, cum Camillo Pamphylio Abbatiam dedit Corbiensem in Gallia, reditus habentem ad LXXX millia florenorum; sed etiam si id non esset, semper Cardinales omnes ulto-

res erunt talis consilii, quale ille Beaupuyus contra Cardinalem Mazarinum suscepisse dicitur. Qui hic in Bastilia sunt, ferme duodecim, capri in hoc, ut Beaufortii consilia noscerentur, dicunt omnes, se de Beaufortio nihil scisse, sed rogatos a Beaupuyo, ut in designatum locum adescent cum armis, creditum sibi, eo se vocari ad controversiam aliquam, quales hic multæ inter nobiles oriuntur, armis definiendam. In Italia quod cudebatur foedus, ad purgandam ab armis externis Italiam, quiescit. Tantus ubique est a classe Turcica metus; et Rex Hispaniæ omnia alia denudans, ut Portugallis et Catalanis obsistat, magnas dat Turcis in Calabriam aut Siciliam occasiones. Rex Magnæ Britanniæ huc scripsit, ut reprehensarum literæ, quæ datæ fuerant contra eos, qui Gallos erant deprædati, effectum suum habeant. Et habuere in Britannia Armorica: non item in Normannia, impediens id Parlamento Rothomagensi. Parlamento autem Anglicani literæ, contra has molitiones scriptæ, ne lectæ quidem fuerunt. Wamninx recepere Parlamentarii iidem. Schrosburgum retinent; Gorini copias disiecerunt: ceperunt machinas XXVI, et alibi equos sexaginta. Spes ibi pacis nullæ. Legati Batavi Oxoniam iverant. Sabranus Galliæ Residens, oratione ad Parlamentarios habita ut colloquia instarentur, nihil obtinuit responsi. Audimus, quod antea fuscipabantur nonnulli, Valencæum, antequam

Roma abiret, clam cum Papa collocutum. Arma in Italia quiescunt. Venetis, qui et ipsi Turcam metuunt, permisum, mille milites in Papalibus terris conscribere. Papa novem fecit Cardinales novos, non ex Regum commendatione, sed suoapte arbitrato. Melita a viginti mille hominibus defendetur, si eo se vis Turcica contulerit. Ex Rosis in Catalonia eruptio facta et repulsata est. At, qui in Ilerda vicinisque locis sunt, Hispani Trainum, commodo ad itinerum transitus situ locum, obsident. Contra Mottam Lotharingæ vallum obsidionale iam perfectum dicitur. Hæc sunt quæ nunc habemus. Deus pacem det Christianis gentibus, idemque, Illustrissimi et Excellentissimi Domini, Excellentissimis Vestris det omnia prospera. Lutetiæ  $\frac{xv}{xxv}$   
Martii CIOCCXLV.

Excellentissimis Vestris  
inservire paratissimus  
H. GROTIUS.

Audimus hic, Axelium Liliam apud Mansfeldiam esse, ut munimenta ei loco detrahat: Landgravium Fredericum esse in libertate. In Hybernia multi Hyberni Protestantes deprehenduntur coniurasse ad expellendos Anglos, quorum sane dura ibi fuit dominatio.

## XXVI.

D. IOHANNI OXENSTIERNÆ ET  
D. IOHANNI ADLERO SALVIO,

Reginæ Suediæ etc. Legatis.

ILLUSTRISSIMI ET EXCELLENTISSIMI  
DOMINI!

**P**erlata fama prælii feliciter pugnatæ a D. Marescallo Torstenfonio ad Taborem vehementer Cæsarianos qui Francofurti sunt et alibi percussit. Rogavit Imperator Principes, qui in proximo sunt, ut suos mittant Ratisbonam, quo et ipse Imperator iturus creditur, et Bavarus, aut ibi aut alibi cum eo locuturus. Antequam pugna ista fieret, Iohannes Waertius mandata domum redeundi acceperat. Nunc, rebus mutatis, Merciacus iussus est ire ad Danubium. Spes omnis in copiis, quæ in Westphalia sunt, quibus se additurus putatur Lamboius. Coningsmarckium in Franconiam venturum metuunt multos et Torstenfonium alii in Austriam alii in Baviariam iturum arbitrantur. In Austria ad Onasum a rusticis arma sumi dicuntur, sperantibus sic reditum exulibus, quos olim inde eiecit Imperator Ferdinandus II, inter quos familiæ sunt claræ ultra trecentas. Frangipanus Francothariam advenit, cum pecunia, speratque, se Gallis in eius loci obsidione absumenturum tempus semestris. His onera instituuntur in domum men-

furas, in fœnum, avenam, et alia. Plebis ad Regi-  
 nam Regentem concursus fuit ista deprecantium.  
 In Parlamento hac occasione liberæ dictæ sunt  
 sententiæ de pecuniis non bene impensis. Ea  
 de causa Præses Barillonius iussus ire Pinerolum  
 extra Galliam: alii tres consiliarii rus ablegati.  
 Constituerant Senatores Parlamentarii nihil rerum  
 agere, priusquam Collegæ isti, magnæ existima-  
 tionis viri, sibi redderentur. Sed non videntur  
 in eo proposito perstituri. Romæ vult Papa,  
 ut legati carrucas sistant, prætereuntibus Car-  
 dinalibus. Hispanus dolet, quod Cardinalis Me-  
 dicæus Hispanica insignia foribus suis præfigere  
 noluit, quodque Florentiam Nuncius mittitur  
 Bentivolius, ex domo Gallis addictiore. Qui  
 Mottæ sunt in Lotharingia, sæpe cum obfes-  
 sibus pugnant: mittuntur hinc, qui obsiden-  
 tium augeant numerum. Sed et Dux Carolus  
 ad eximendum obsidio locum accingi dicitur.  
 Marescalli Turenæ milites ex Lotharingia exituri  
 non sunt, nisi medio Aprili aut eius fine. Bec-  
 kius in Luxemburgicum venit cum sexcentis flo-  
 renorum millibus, ad novos delectus et ad mu-  
 nitiones faciendas. Dux Longovillanus itineri  
 Monasterium se parat. Indictio facta est in  
 eos, quibus pecuniæ reditus debentur. Ea ef-  
 fectura putatur milliones duodecim. Anglorum  
 Parlamentariorum copiæ ad Pontemfractum cla-  
 dem acceperunt. Spes pacis ibi nulla. Deus,  
 Illustrissimi et Excellentissimi Domini, Excel-  
 len-

lentiis Vestris det omnia prospera. Lutetiæ

I Aprilis

xxii Martii CIOIOCLV.

Excellentiis Vestris

fervire paratissimus

H. GROTIUS.,

Galli Rosas in Catalonia parant obsidere, arrepta occasione, dum naves Neapolitanas et Siculas detinet metus a Turcis, qui dicuntur ex Dalmatia Hydruntum transire velle. Et Rex Hispaniæ, cum in itinere esset ad Cæsaraugustam, dicitur retro Madritium reversus, ideo quod ibi seditio esset orta. Regina Angliæ quinquaginta millia librarum Sterlingiacarum transmisit Excestriam. Civitas Londiniensis octoginta millia eius pecuniæ Farfaxio tradidit. Princeps Robertus et Marmolucus se cum Principe Mauritio iungunt, ut recuperent Schrusburiam et Brewertonum Ducem Parlamentarium cædant. De possessione partis occidentalis Angliæ armis certatur. Rex autem Angliæ et Princeps Walliæ erant Bristolii.

Rumpuntur a Cæsarianis et Bavaricis pontes et impediuntur vada Danubii. Augentur præsidia Donawertæ, et apud Ratisbonam, et in Palatinatu superiore Hasfici Lichæ præsidium potuere. Intra Francothalam sunt milites mille quingenti. Multi suadent Electori Magontiacensi, ut Hoekstæ et Urfelæ pro Cæsarianis sua præsidia ponat. Ab Agatha, qui est Provinciæ portus, octo millia militum mari eunt Barcinonem. Classis Turcica tota parata fore creditur sine



Maii. Interea Saram in Dalmatia tum veterem tum novam oppugnarunt Turcæ: et apud Meliten habent XV naves longas et alias aliquot ad prohibendas victus et rerum belli advectiones. Qui regiarum in Anglia sunt partium, dant Principi Walliæ, ad corporis custodiam, mille et quadringentos pedites, equites sexcentos. Lamboius duodecim militum millia, per Thuringiam, superiorem Palatinatum et Onaso adfita, ad Imperatorem ducere creditur. In Badaioxa inter Castellanos et Portugallos pugnatur. Ex Ulyssipone quatuor naves ad Asiæ Indiam ivere.

## XXVII.

D. IOHANNI OXENSTIERNÆ ET  
D. IOHANNI ADLERO SALVIO,

Reginæ Suediæ, etc. Legatis.

ILLUSTRISSIMI ET EXCELLENTISSIMI  
DOMINI!

**D**ux Bavarus huc misit Pœnitentiarium suum, Vervaltum nomine, et Nobilem Furnerium de Gocha. Ita solet, ubi res eius malo sunt in loco. Sed fuit hodie apud me Dux Angulanus, qui dicit, notas eius artes: Gallos, si possint, per Bavariam in Austriam ituros, ut non longe a nostris et Rakoczio absint. Magna dicit esse Gallorum vires in Catalonia: ad Rosas decem millia, totidem in planis Vergellæ sub

sub Harcurtio; se iturum fine mensis Maii, et adducturum duodecim millia ac ferme totidem, qui iam sunt sub Marescallo Turenæ: in Flandria esse exercitum Hispanicum ad XIV millia, bis tantum, si non amplius, futurum sub Duce Aurelianensi. In Italia arcanae sunt induciæ. Papæ et Galliæ male convenit. Itaque legatus Gallicus inde abit. Atrox est facinus Hispanorum in Prælatum Portugallum, quem Romæ occidere voluerunt, per homines ob crimina proscriptos. Ipse evasit, an cum vulnere, dubitatur; quidam ex comitatu eius occisi sunt. Sicarii se in domum legati Hispanici recepere. Prælatus ille missus erat ob rem, quæ Pontifici non minus, quam Regi Portugalliæ est utilis, ut Bullæ dentur super Episcopatibus in Portugallia collatis. Ad Rosas fiunt obliqui accessus, ut ad urbes obsesas fieri solet: et speratur brevi in potestatem Gallorum venturum castellum magni usus, utpote portui imminens. A Francofurto discimus, Marescallum Turenam, rupto, quem fecerat e navibus, ponte, esse ad Durlachum: Mercium, collecto peditatu, quantus colligi potuit, apud Schorndorffum in terra Wurtembergica, equitatu in multas regiones distributo, agris undique vastatis: Bavarum quidem in Galliam suos homines mittere; sed et ab Imperatore eum studiose ambiri, misso Haraco Monachium ad impetrandas pecunias et milites: ab eodem Imperatore missum Leslæum ad

Italiæ principes: in Poloniam Mislichium: a Cæsarianis rumores spargi de machinis, quas habituri sint ab Electore Saxonæ, de conditionibus oblati Principi Rakoczio, ferme quales desiderat, de mandatis a Sultano Turca ad Basfam Offensem, ne se istis rebus immisceat: Hasfos ad Marpurgum expectare meliorem suorum valetudinem, non parum læsam hoc tempore, et quid facturi sint tum Dux Anguianus, tum Coningsmarckius. Eos vero Hasfos Dux Anguianus putat ad suum exercitum appropinquaturos, tribus equitum, totidem peditum millibus. Dubitant Germani, an Suedia et an Gallia contumaciter perstituri sint in flagitanda restitutione domus Palatinæ: Gallia ob religionem, Suedia ob causas alias. Abiit hinc pridem Residens Polonus: novi expectantur legati, et dicitur Princeps Casimirus cogitationes seculi resumere. Transiit per hanc urbem Comes Pineranda, legatus ab Hispania ad res pacis, quæ in Germania tractatur. Legatus Venetus ostendit, suos a Turca securos esse. Credo id vi pecuniæ apud Basfas effectum. Melitenfes adhuc putant se peti, et se parant ad vim arcendam modis omnibus. Princeps Condæus, quanquam ex calculo male valens, ivit in Burgundiam; dicit, se octuaginta millionibus effecturum, ne quid exercitibus desit. Viginti milliones facile esset reperire, apud subito factos ex publico divites, aut eorum heredes. In Languedocia con-

consensus manet, nec milites admittendi, nec dandi nova tributa, quod exemplum manabit longius. Literæ a Constantinopoli scriptæ IV Februarii nos docent, Sultano natum filium quartum, matrem ex femina valde ipsi dilecta; magnos ibi esse ad bellum paratus. Erat tunc Imperatoris legatus ad reditum se parans. Missum nuncium ex illa aula expectabat Princeps Transilvanus. Sabrano Residenti Gallico Rex Angliæ respondit, nihil se pacati sperare a Parlamentariis, itaque nihil opus, tentari novum conventum. Dux Bavarus dicitur quos armaverat rusticos dimisisse, credens, in Austriam iturum Torstenonium: Iohannes Waertius in Suevia esse, cum duobus equitum millibus, reliquis ex clade ad Taborem. Dux Neoburgicus adversus Electorem Brandenburgicum, cuius incrementa suspecta habet, amicos quærit. Hassi Neoburgicos milites pro hostibus habent. Bavaricarum copiarum magna pars ad Danubium ire dicitur: Erlachus et simul Bentfeldii præfectus Stolthoviam obsidere non longe ab Argentorato: quare cognita, eos, qui Offenburgi sunt, suis se tenere moenibus, omisâ defensione Oberkirchæ et Croistolii. Ducisâ Chevreusîa, cum intellexisset id agi, ut Ingolismæ retineretur, evasit nescio quo. Perrefius hinc in Flandriam ad permutandos captivos mittitur. Dignitas Vicelegati Avinionensis dari a Pontifice dicitur amico Cardinalis Mazarini, ne eius animus a Roma nimium ab-

alienetur. Mombasonia relegata est Conferiam apud Turonas. Hispani in Flandria exercitum habent ad XIV millia, an Wattonam aggressuri, ut putat Gassto, an ut Gallis aut Batavis obsistant, dubitatur. Hispanorum in Catalonia exercitus esse dicitur ad XII millia, et Rex Hispaniæ graviter ægrotare. Ex Motta in Lotharingia eruptiones factæ satis prosperæ, diruto etiam castello, quod obsessis incommodabat. Ex Anglia discimus, Essexium, Manestrium, Dibyum, reddidisse Parlamento functionum suarum codicillos; Farfaxio satis amplam potestatem datam, non tamen, ut præfectos imponat oppidis; octoginta Iacobæorum millia ad eum mitti, ut alat exercitum, qui esse dicitur equitum sex mille sexcentorum, mille Draconariorum, quatuordecies mille peditum. Melidrunno adhuc pro Parlamentariis Scharborugam obsidebat: Princeps Robertus munebat Bambergam. Milites Parlamentarios rapinis grassari etiam prope Londinium. Monterosflus cladem in Scotia accepisse dicitur. Is est dux ibi Regiarum partium, ad quas sustentandas multi ex Hibernia adventant. Deus, Illust. et Excell. Domini, Excell. Vest. det omnia prospera. Lutetiæ

<sup>XII</sup>  
EXII Aprilis CIOIOXLV. Exc. Vestris  
inserv. parat. H. GROTIUS.

Tscherinum legatum Imperatoris pervenisse Badam intelligimus: a Pontisfracti in Anglia obfisione disiectos Parlamentarios: eidem parti suspectos esse factos Comites Hollandiæ et Sussexiæ: eos, qui militarunt Comiti Essexiæ, tertiam facere partem pro pace, Episcopis et liturgia recepta.

boni succesus, hic comparentes, non pa-  
 uspicionis concipere audiuntur, quod, qui  
 inis doctus est Germaniæ Republicam,  
 in statuum conditiones, gentis mores et  
 adhuc, qui comparavit sibi, et (magno  
 communem bene gerendam adiuven-  
 trariputorum in Germaniâ princi-  
 mque confidenti correspondentia  
 nunc, (cum Deputatorum alii.  
 alii nuper advenere, cuncti  
 expectant Reales Regnorum  
 et moliantur.

stimatur Illustrissimi D.

ignorant Galliam fera-

reuntis locum possent

credibile non fit, tot et tam

in Gallia negotiis, indeque nascentibus  
 continuis rerum tractandarum laboribus, diu  
 suffecturum, duraturumve huius animus. Et  
 qui in sublevationem eius adveniet, non parum  
 temporis adparando et conficiendo itineri infu-  
 met. Interea posset uni hic degenti morbus  
 aliusve casus humanus supervenire, indeque necti  
 rerum mora; sub mora vero, quod tamen Deus  
 clementer avertat, mutari rerum nunc prospera-  
 rum facies; atque ita spes iam a multis concep-  
 ta, de optato huius tractatus eventu, intertur-  
 bari. Et si succesor adventum suum vel maxi-  
 me vellet maturare, aliquid tamen hic in loco  
 intercursum videtur, antequam animi invicem  
 dig-

bonæ amicitiae partes apud D. Servientum. Quæcunque vero in huiusce rei compositionem utrinque a nobis sunt collata, non tanti fecimus, ut crederemus, eorum respectu, mox posse coalescere disfidantium animorum vulnera, quin potius, illa opus habere tempore et superiorum auctoritate; nostrum autem, si non aliud, saltem fidorum amicorum officium posse censerî; cuius cum iam aliqualem effectum præstolamur, ecce Monasterio nunciatur, D. D'Avausium, mobilia sua ibi convagamem, in procinctu profectionis stare; de qua re certiores facti, cernentesque eam, si effectus daretur, trahere secum non exiguum publicæ rei præiudicium, non potuimus intermittere, quin Dom. Vestræ scriberemus, rogantes, ut quâ pollet dexteritate, proceribus Consilii Aulæque Gallicæ, nostro nomine, illud quam diligentissime repræsentet: non quod velimus nos immiscere privatis sæpe nominatorum legatorum, D. D'Avausii et D. Servienti, controversiis; multo minus, ut nos ingeramus propriis Regis Christianissimi negotiis, vel præscribere tentemus eos Viros quorum ministerio hic uti conveniat. Saltem significasse debuimus, paulo intempestivorem nunc videri Illustrissimi D. Comitissæ D'Avausii dimissionem. Nam, qui in solenni hoc actu cum primis respiciendi sunt, Romani Imperii Ordines, toties Regnorum literis ad loca tractatum invitati, et nunc magno numero, maioriq; quam antehac, spe

spe boni succesus, hic comparentes, non parum suspicionis concipere audiuntur, quod, qui a tot annis doctus est Germaniæ Rempublicam, singulorum statuum conditiones, gentis mores et linguam; adhuc, qui comparavit sibi, et (magno sane ad rem communem bene gerendam adiumento!) nititur præcipuorum in Germaniâ principum ministrorumque confidenti correspondentia et familiaritate; nunc, (cum Deputatorum alii iam diu hîc sunt, alii nuper advenere, cuncti vero cum desiderio expectant Reales Regnorum propositiones, secessum moliatur.

Magni equidem hîc æstimatur Illustrissimi D. Servienti virtus, neque ignorant Galliam feracem esse virorum, qui in abeuntis locum possent surrogari. Verum credibile non sit, tot et tam diversis Galliæ negotiis, indeque nascentibus continuis rerum tractandarum laboribus, diu suffecturum, duraturumve huius animum. Et qui in sublevationem eius adveniet, non parum temporis adparando et conficiendo itineri infuset. Interea posset uni hîc degenti morbus aliûsve casus humanus supervenire, indeque necti rerum mora; sub mora vero, quod tamen Deus clementer avertat, mutari rerum nunc prosperarum facies; atque ita spes iam a multis concepta, de optato huius tractatus eventu, interturbari. Et si succesfor adventum suum vel maxime vellet maturare, aliquid tamen hîc in loco intercursum videtur, antequam animi invicem dig-



dignosci poterunt, qui tamen, nunc præparati, prœni et obvii videntur virtuti D'Avausianæ; quippe qui apud tot Europæ populos, tot legationibus exploratus, ut ab omnibus aliis, ita a Germanis, plurimi sit habeturque rerum maximarum capax. Cuius quanto maiora documenta reliquit in Suecia, continuo decem annorum commercio; tanto ægrius, nunc, cum perspectæ et sinceræ coöperationis invicem indigemus, ab amplexu nostro divelli patimur D. D'Avausium, qui non modo difficile huius tractatus præliminare fundamentum fideli operâ nobiscum iecit, sed etiam federi nectendo maximam partem operatus, se semper ostendit religiosum eius observatorem. Quem eius zelum, quemadmodum Regia Maestas, Domina nostra clementissima, singulari semper favore complexa est; ita, si intellexerit, D. D'Avausium, hoc statu rerum, abiisse statione sua, sine dubio veluti inexpectatum quid et ab opinione sua alienum accipiet. Quare vestræ nunc prudentiæ committitur, qua ratione et apud quos conveniat exponere hanc rem. Id tantum, amice, a D. Vestra requirimus, ut eam quam studiosissime singulis commendet.

Dom. Vestræ

ad officia paratissimi

Osnabrugæ  $\frac{x}{xx}$  April. CIOCCXLV.

IOH. OXENSTIERNÆ.

IOH. ADLER SALVIUS.

## II.

NOBILISSIME DOMINE!

Quæ Dom. Vestra per literas suas de d.  
<sup>XIX</sup>  
<sup>XXIX</sup> Aprilis, heri huc allatas, nobis significavit  
 de Iesuita, qui Electoris Bavariz nomine missus  
 fuerat ad Aulam Gallicam, iamdiu promiscuis  
 aliorum rumoribus huc erant vulgata, superiori  
 vero hebdomade per Illustrissimum D. legatum  
 Servientum nobis certius confirmata. Expofuit  
 tum nobis D. Servientus Bavarici illius postu-  
 latum, quodque, consultâ primum Regina Re-  
 gente, D. Cardinalis Mazarinus, id ad loca trac-  
 tatus universalis remiferit, huc nobiscum inpri-  
 mis communicandum. Interrogati ergo, quid  
 nostri esset consilii, super desideratâ armorum  
 Bavaricorum suspensione, depromsimus, quid no-  
 bis videretur, nulli dubitantes, quin, quæ con-  
 tra talem neutralitatem adduximus, rite ad Au-  
 lam referantur. Quia tamen communis causæ  
 interesse existimavimus, ut eadem res Reginz  
 Regenti et proceribus Galliz innotesceret per  
 Dom. Vestram, hisce eidem significandum duxi-  
 mus, nonnihil suspectum nobis videri hoc Elec-  
 toris Bavariz postulatam; non quasi nobis ima-  
 ginemur, Galliam, contra expressam federis le-  
 gem et tot factas sinceræ coöperationis contes-  
 tationes, particularem aliquam et præiudicii ple-  
 nam

nam conventionem inituram, (Hac sollicitudine licet intactos, multis in modis, nos liberare voluit D. Servientus, in eamque sententiam eunt Eminentissimi Cardinalis Mazarini tam Resolutio data Iesuitæ Bavarico, quam D. Vestræ super eadem facta communicatio.) verum, expendentibus nobis præterita confilia et actiones, statumque præsentem Bavari, cæterorumque in illa lla, non pauca occurrunt, suggerentia, Neutralitatem nunc non ferio peti; sed Bavarum, fuerum antehac variis sibi consulendi artibus, hac oblatione eo usque uti, dum tempus sibi et Cæsari lucretur. Vidit artificiosus temporum rerumque exactor, iam tum, cum in Bohemiam moveret D. Torstensonius, omnia pugnam cruentam spectare, ideoque integris, sed tamen dubiis, rebus, mittendo Iesuitam illum in Gallias, ita se composuit, ut quocunque victoria inclinaret, istic haberet aliquem, qui pro re natâ, partes suas ageret. Postquam vero prælium improspere cessit Cæsarianis, et copię Bavaricæ in eo non parum detrimenti cepissent, verisimile est, propositionem, temporis aptatam, non nisi temporis trahendo serviisse. Vix enim est ut credamus, Bavarum, qui, si non concitavit, multorum tamen opinione dicitur fovisse funestum hoc Germaniæ bellum, nunc, post magni emolumenti gustum, cum genuinus eius fructus speratur, arma depositurum: et si vel maxime hoc sibi cordi esse aliis persuadere vellet, quo collaturus erit

erit numerosum suum militem? Retineri idem non, sine magno eius vicinarumque provinciarum onere, et suspicione federatorum Regnorum, posset. Sin vero exauctorare eundem voluerit, haud dubie Cæsarianæ, non nostræ parti, accedet. Quocunque ergo modo Bavaricum postulatum versaverimus, deprehenditur insidiosum et intutum. Atque ideo a Gallia nunc merito expectamus validiorem, quam antehac, armorum motionem contra Bavariam, et, si fieri potest, non translationem in hæreditarias Austriacorum provincias: ut ita videant Bavarus aliique, federi disuendo illaborantes, se et tempus et operam perdere, apud tam fidos et constantes armorum consiliorumque socios. Hoc ipsum quod requirimus, non modo federi est conveniens, sed promissis etiam, prolixè adeo factis D. Marescallo Torstenfonio, et nobis hic uberrime declaratis, per D. Baronem Auaniurium. D. Torstenfonius, fretus certissimâ Galliarum discesione, rem longe difficillimam, Cæsarianum exercitum in ipsis Cæsaris provinciis, aggressus est, eumque non modo aperto Marte fudit, sed etiam insigni illa victoria usus, in Austriam, quoad fieri potest, iam persequitur. Interea Cæsariani defensi Danubio, et suppetias ferente Bavaro aliisque, rerum suorum satagunt, colligentes exercitum, maiorem, quam fuit, qui in supranominato prælio comparuit. Quod si ergo lento gradu iverit D. Marescallus de Tourenne, vel

## 114 IOHANNIS OXENSTIERNÆ

Bavaro connivere videbitur, verendum est, ne et nostros pedem referre cogat, et Rakoczio oblatas conditiones accipiat: consulentes in tali casu suæ quisque conservationi, quando viderint focia arma, in propinquo loco, et hosti oppugnando sufficientia, communi causæ provehendæ deesse. Hæc et alia quæ in eam rem convenienter dici possunt, committantur vestræ dexteritati, exponenda modo et locis suis. Quibus D. V. divino favori diligenter commendamus, manentes

D. Vestræ  
ad officia  
paratissimi,

Osnab. d. 1 Maii CIOIOXLV.

IOH. OXENSTIERNÆ.

IOH. ADL. SALVIUS.

### III.

NOBILISSIME DOMINE!

**I**llustrissimus D. D'Avausius, quem in literis nostris die xx Aprilis scripsimus parare ab-  
itum Monasterio, venit xvii Maii in hanc urbem, ut ante suum discesum nobis valediceret, quod etiam fecit, exacto hîc intra mutuas salutationes bidui spatio. Nobis deinde paratis  
revisere eundem Monasterii, ante festum Pentecostes, reddebatur xxi huius mensis responsum vestrum ad nostras scriptas xx Aprilis; quo  
fig-

significabatur, non ingrata fore aulæ Gallicæ nostra officia, si D'Avausium a proposito permoverimus, ab eoque impetrare poterimus, quod in solo eius arbitrio positum est. Quæ res nos ad decretum iam iter eo magis impulit, quo propiores eramus tempori dicto propositionibus utrinque exhibendis, ut obstaculum, [quod alterius absentia inchoando tractatui obicere posset, nostra qualicunque operâ amotum iremus. Verum iam antequam in hanc rem multum conferre licuit,prehendimus mutatum consilium præproperi abitus, illumque, vel ad minimum, dilatum esse usque in adventum Ducis Longevillani. Scilicet, quæ sola nobis visa sunt posse abitum morari et D'Avausium in hac statione retinere, superiorum mandata nos anteverterunt, et operoso aliquo suadendi labore levarunt. Quod Dom. Vestræ significandum duximus, ut per eandem id cognoscant ii, quos in aula, huiusce rei causa, antehac adiit. Neque dubitamus quin posthac intelligamus Dom. Vestram incepto huic insistisse, eoque collaborasse, ut, qui nunc ad tempus discedendi cogitationes deposuit, de cætero accipiat mandata ulterius manendi: iis nempe se obsequentem fore professus est. Quod cum Dom. Vestræ procurandum concedimus, speramus fieri posse cum eo temperamento, ut commendatio unius alteri nihil detrahat. Posterius nos omni modo vivimus, cavimusque ne quis merito suspicari

possit, nos alterutrius partis studio duci. Pluribus, fatemur, verbis, in epistola nostra attigimus res D. D'Avausij, non tamen comparatione eius factâ cum D. Serviento, nedum ut breviuscula illa mentione, aliquid huius honori deberetur, sed quia prior abitus moliebatur. Ideo repræsentavimus, quam inconveniens videretur, si hoc fieret, mox post adventum Deputatorum imperii Romani, ingruente iam tempore propositionis faciendæ, et nemine in locum surrogato: quæ, iuncta aliis circumstantiis, apud suspiciosos præ se ferebant speciem quæsitæ procrastinationis. Nolumus parem casum evenire in Illustrissimo D. Serviento. Quodsi contingeret, non minori eius rei sollicitudine tangeremur. Nam amabiles eius mores, eruditio, rerumque magnarum experientia, et, quem nos maximi facimus, zelus pro communi Regnorum causa provehenda, nos illi devinctos tenent, ut iam non unum annum, sed plures invicem transegisse credamus. Amborum ergo confortium nobis gratum est et æstimabile, quod equidem, in nupero congressu Monasteriensi, non parum coaluisse vidimus, et spes est validius solidiusque redunitum iri præsentia Ducis Longovillani. Interea confirmamus propositiones, parati committere eas Cæsarianorum manibus, futura die dominica; quodsi fit, Dom. Vestræ mox exemplar nostræ mittemus. Mirum est, quam turbentur consilia bellica clade illa Morgenheimianâ. D. Torsten-

Stenfonius, qui consilium cepit seu transeundi, seu agendi aliquid ad Danubium, nunc, accepto forte nuncio huius infortunii, divisis copiis, in Silesiam et Bohemiam dicitur, vel ipse ivisse, vel suorum præcipuos misisse; sine dubio, ut disturbaret hostiles delectus in iis oris. Nam eius nomine antea ad se accersivît Coningsmarckium: qui cum in itinere erat ut iussa Torstenfonii exequeretur, veniunt literæ nuncique Landgravæ Hassiæ, quibus suppetiæ contra imminentem Hassiæ Bavaricæ exercitum, et ultimam Turenicarum copiarum ruinam, requirebantur. Suasimus, ut tam fidis et periclitantibus fociis ocyus succurreret. Quod, nunc feliciter factum esse audimus, adeo quidem, ut hostis, deserta obsidione Kurkemonti, ultra Mennum se recepisse dicatur. Sic Suedia nihil non facit in publicæ rei bonum, sperans Galliam paria facturam. Ad quod promovendum Dom. Vestra vires quoque suas conferat. Nam credibile non est, Coningsmarckium diu posse manere unitum cum reliquis, sed, pro exigentia rerum, adfuturum nostris; in quo casu requiri videtur, ut Dux Anguianus cum valida manu accurrat, ulturus recentem cladem, et dolosa Bavari consilia; quibus, Dom. Vestram divinæ protectioni commendamus, manentes

Dom. Vestræ  
ad officia paratissimi

Osnabr. d. xxix Maii  
CICXCXLV.

IOA. IGAS.  
IV.



## IV.

NOBILISSIME DOMINE!

**A**ccepimus, pene uno et eodem tempore, a Duce Longevillano et Comite Briennio literas, pares in eo, quod utrorumque nomine certiores reddamur de Regis Christianissimi religiosâ federis observantiâ, et ministrorum eius sincero rerum tractandarum commercio; dispares vero in honoribus Regnorum legatis tribuendis: prout hęc adiunctæ dictarum literarum copię pluribus indicant. Quę res, ut inopinata, responsum nostrum ad D. Comitis Briennii literas nunc tantisper suspendit, dum per Dom. Vestram cognoscamus, quid causę sit, quod ne semel quidem in dictis literis titulo Excellentię honoremur. Quibus Dom. Vest. divino favori commendamus.

Osnabr. d. xix Iunii St. Vet. CIOCCXLV.

IOA. IGAS.

## V.

NOBILISSIME DOMINE!

**N**ullus dubito, quin iamdiu, ante has literas, ad vos volaverit fama nuperi prælii Norlingensis. Cæsareani et Bavarici ministri venditant

tant hęc victoriam, ut suam! quod etiam per me illis licet, modo suam dicant, quod in Bavaricorum tergis notata est. Quidam tamen agnoscunt inflictum Bavaro vulnus, sed leve, et cui medela in promptu sit. Nobis, non incertis indicibus, constat, Ducem Anguianum palmam egregii facinoris obtinuisse; quibus vero circumstantiis res acta sit, inter variantes relationes, nunc scribere nequeo. Ad vos etiam æque cito res, ut gesta est, deferetur, quæ forte poterit D. Vestræ ansam præbere adeundi ministros regios, testandique, in causâ communi, commune gaudium! Quod dum fit, et subinde in hoc rerum statu utile fuerit perspicere et videre, quo consilia Galliæ inclinent. Sunt qui credi volunt, et Cæsariani etiam hinc inde publicant, secretos tractatus haberi Monasterii inter legationes Gallicam et Bavaricam, inque eum finem, et pro re nata, utriusque partis sive legatos sive nuncios commeare, nunc solenni ritu et clara luce diei, nunc nocte concubia et occultis adiutibus locisque. Verum nos fidem talibus præfertim relatoribus adhuc habere non potuimus; neque ut habeamus, causam expectamus. Si D. V. intellexerit tale quid agitari, faciat quæso nos suspicionis vel indicii sui certiōres. D. Legatus Serviens, biduum hic versatus, hodie repetit Monasterium. E Suedia, de tractatu nostro cum Danis, nihil certi nunc habemus. Perhibetur tamen iam esse vel conclusio, vel conclu-

clusio in proximis. Velim scire, an in aulam regiam venerit D. Baro Porturis, et quid de legatione in Suedia expediundâ ibi statuturus sit? Sunt qui existimant D. Thuillerium, composito bello inter nos et Danos, destinari extraordinariæ legationi ad Regiam Maiestatem, ut eidem novi regiminis felicitatem gratuletur. Quod autumo fieri posse, foreque dicto D. Tuillerio non ingratum officium. D. Grotius adhuc in Suedia est, et dicitur rediturus in priorem stationem, si Porturis iverit in Suediam legatus ordinarius. Quicquid sit, habet Dom. Vestra locum occasiones et causas demerendi sibi Regiæ Maiestatis perpetuum favorem. Imprimis e re fuerit, ut crebris literis, et quidem cum omnibus ordinariis postis, nos de statu rerum in Gallia informet. Ea diligentia a nobis magni fiet et debite commendabitur. Expecto hodie vel crastina die meum fratrem e Belgio. Quibus D. Vest. divino favori diligenter commendo.

Osnabr. vii Aug. CIOCCXLV.

IOH. OXENSTIERN.

## VI.

NOBILISSIME DOMINE!

**N**ihil intentatum reliquerunt Cæsareani et qui eorum partibus hîc adhærent, quo retardari possit communicatio cum omnibus imperii Roma-

mano-Germanici ordinibus, super materia pacis, a Regni fœderatis nuper propositâ. In eum finem excogitatæ sunt ambagiosæ illæ quæstiones de modo consultandi. Si sub disquisitionem statuum venire deberent propositiones coronarum, ad paucos eorum ventilationem illam devolvere satagebant. Hinc prima cura fuit, solos Electorales tractatibus adhibere. Deinde cum ordines, incitati iure proprio et coronarum adhortationibus, ipsi intervenire consultationibus statuerent, proposita est forma consultandi per XVIII imperii status, qui alias deputati vocantur, et conventus eorum, ordinaria deputatio. Pro hoc modo obstinate ab iis pugnatum, omniaque artificia excogitata. Verum quemadmodum arma regnorum hactenus invicta extiterunt, ita etiam quicquid technarum adversa pars hic explicuit, constanter consonantia legationum Suediæ et Galliæ disturbatum est; exortusque, reluctantibus Austriacis, cum applausu et votis ordinum utriusque Religionis, modus extraordinarius; scilicet ut omnes et singuli ordines habeant hæc ius sessionis et voti, idque ad modum comitorum, in tribus imperii collegiis, constitutis in utroque loco tractatum. Pro huius rei consolidatione, simulac ut salutarem Celsissimum Ducem Longevillanum, Monasterium concessi. Deprehendi in dicto principe magnas animi dotes, easque totas requiram federi conservando et communi causæ promovendæ dicari. Quam intentionem cum

etiam nos Suedi habeamus, non possumus non sperare bonos succesus. Accedit hisce rebus prospere gerendis, non leve pondus, pax Sueo-Danica. Accepi cum proximo veredario literas a parente meo, datas in loco tractatus illius, die XIII huius mensis: quibus mihi nunciat, secundum Deum, unius legati Gallici, D. Thuillerii, industriosa operâ, pacem illam esse procuratam, et illa ipsa die, qua literæ erant scriptæ, omnia fuisse completa. Conditiones nondum mihi sunt misæ. Poterit forte Dom. V. easdem habere Parisiis, quandoquidem Hamburgo refertur, quendam curforem illic transiisse ad aulam Gallicam. Velit Dom. Vestra investigare et cognoscere quid de pace illa istic sentiant; quidque legatio Polonica, nunc in Galliam tendens, præter principale negotium, ibi agat. De Rakoczio variant Austriacorum et nostratium literæ. Illi pacem iamdiu factam credi volunt, hi vero constantem esse perhibent. Certum est, Cæsarem omnia experiri et permittere ut eum a nostris partibus abducatur. Quantum efficere poterit, tempus docebit. Quibus D. V. divino favori diligenter commendo. Osnab. xxviii Aug. CIOIOCXLV.

Dom. V.

ad officia paratissimus

IOA.

## VII.

NOBILISSIME DOMINE!

Literas D. Vestræ scriptas Parisiis d. <sup>XXVII</sup>  
<sup>Sept.</sup> hic recte accepi <sup>VIII</sup> huius mensis. Non  
<sup>Oct.</sup> <sup>XVIII</sup> minora, quam Celsissimus Dux Longevillanus,  
nobis de huius tractatus progressu pollicemur,  
quandoquidem zelose, sincere, et prævia socio-  
rum communicatione rem tantam aggreditur. Nu-  
per in hac urbe fuit et mihi desiderium sui re-  
liquit. Redituro in Gallias Domino de Wille-  
gats literas una dedi, perferendas ad Eminen-  
tissimum Cardinalem Mazarinum. Sine dubio  
Dom. Vestrum invisit, ut vel ab eo, vel aliunde  
forte cognoscere possit, an et quomodo redditæ  
fuerint; de quo me, quæso, certiore reddat.  
Ante dies aliquot in hac urbe nos vidit Domi-  
nus de Donau, hac e Borussia in Gallias trans-  
iens. Dixit se iter hoc suscepisse privatarum  
rerum causa. Alii coniectant talia prætexi, re-  
apse vero commissionem illi esse datam ab Elec-  
tore Brandenburgico, forte in causâ matrimonii.  
Rem non ingratham perhibent D. Vestræ, si dili-  
gentius attenderit, quid rerum istic agere occi-  
piet. Heri demum accepimus responsum Cæsa-  
reum super nostrâ propositione. Non tantum  
temporis vacat, ut possit describi. Forte est,  
ut Monasterio citius habeatur. La Borde dici-  
tur

tur esse Monasterii et haberi a legatione Gallica ut legatus. Si sub illa qualitate velit huc ingredi et diu subsistere, vereor ne communicationes mutuae inde aliquid detrimenti capiant. Fedus et, in hac parte, illi innixa conventio praeliminaris, non faciunt mentionem nisi Agentium vel Residentium utrinque habendorum. Causæ, quæ tales et non legatos constituentes suaserant, adhuc durant. Dicitur illum destinatum in Helvetia legatum, et hac tantum transire. Verum nimis longæ sunt eius itineris ambages. Si ea solum esset res, libentes et ex animo, federati principis legatum decenti honore afficeremus. Verum sarcinæ eius huc sunt allatæ, domus præparata, alia multa, quæ diuturniorem mansionem ostendunt. Quod si fiet, non video quare hanc praeliminariæ pactorum mutationem nos ipsi, inconsulta Regina, admittere possimus. Alia incommoda nunc transeo. Quæ Dom. Vestra data occasione aulæ regiæ significare velit. Quibus eam Divinæ protectioni fideliter commendo.

Osnabr. d. XIII Octob. st. vet. CIOIOCXLV.

IOHANNES OXENSTIERNÆ.

## VIII.

NOBILISSIME DOMINE!

**T**andem aliquando ad loca Tractatum venit primarius a parte Cæsaris plenipotentarius, D. Comes Trautmansdorf. Tempus docebit, quid in mandatis habeat et hic moliri velit; pacemne, qualem Regna federata sibi proposuerunt, et Germania quam maxime optat, an vero speciosam illam internam imperii compagem, qua composita, bellum deinde in Germanicæ libertatis propugnatores movere possit? ipse agnoscit se fuisse architectum pactionis Pragensis. Certe si illam recte intuetur, et auctoribus separati illius tractatus inde adeo illata damna, facile illi erit iudicium facere de exitu particularis transactionis, hic cudendæ. Multos hinc inde præmonet, sive conscientia rei infelicitè in Pragensibus pactis initæ, sive quod tali glaucomate credulos fallere velit, Cæsarem et eius nomine Plenipotentarios, quærere compositionem universalem, quo, tam extra quam intra imperii fines, optata quies reducat. Nos toties delusi, non nisi ab eventu certitudinem tot constellationum iudicaverimus. Hic Osnabrugæ duo cum primis egit. Primo plenipotentiam suam in debita forma nobis exhibuit. Deinde inutilem et odiosam illam disputationem, quam tanto tempo-

po-



pore, pro conservazione præliminaris pactionis et securitate tam foederatorum, quam adhærentium, cum Cæsarianis reciprocavimus, de interpretatione salvi conductus Cæsarei, primo congressu solvit, et re penitus inspecta, salvos conductus speciales sub suo et collegarum suorum nomine, pro Stralsunda et Erfordia, tradi curavit. Qua re alterum impedimentorum hinc insectorum ivit sublatum. Alterum adhuc restat, et consistit in admissione quatuor admodum statuum, quos Cæsareani voluerunt excludere a consultationibus ordinum hinc institutis. De illa re nunc per deputatos inter se in hac urbe conferunt Osnabrugenses et Monasterienses. Si in illa quæstione utrinque conveniri poterit, non multum est quod hinc replicam nostram ex tractatu morari possit. In quibus ut secundum foederis normam pari passu concentuque procedatur, brevi cum legatione Gallica congredi statuimus. Eoque nomine per D. la Borde nunc certiores reddi cupimus de commodo tempore. Si quæ, sive in illo congressu, sive alias in hoc tractatu, acciderint communi ratione vestra non indigna, plene referentur. Interea velit eos, quorum interest, certiores facere nostræ sinceræ intentionis, quodque rem communem communibus consiliis gerere direxerimus. Quod concernit privatas vestras res et stipendii partem, de qua xviii Novemb. ad me scriptum est, locutus sum de ea re cum D. Salvio. Dicit se iam-

du-

dudum rescripsisse, et quantum in dispositione subsidii suæ esset potestatis, quidve in tali casu agendum censeat, amico animo significasse. Sine dubio allata eadem iamdudum D. Vestram informarunt. Quibus corde divinæ protectioni diligenter commendo.

Osnabrugis XI Decemb. A°. CIOCCXLV.

Nob. Dom. Vestr.

ad officiâ grata paratissimus

IOH. OXENSTIERNÆ.

### IX.

NOBILISSIME DOMINE!

**C**elsissimus princeps, D. Fredericus Marchio Budensis, iteratis vicibus, nuperrime vero per præsentium exhibitorem, Nobilem et Magnificum D. Iornandum Guesfontium, mihi in memoriam revocari et fusius exponi curavit, qua ratione S. Celsitudo pro recuperanda possessione et iure suorum principatuum et ditionum, ante aliquot annos, fedus iniverit cum Regibus, Regnoque Suediæ et Galliæ, eidemque constanter inhærendo, semper speraverit, tractatu et pace universali, procurantibus ambabus coronis, unanimi et valida coöperatione, commune Germaniæ et singulorum statuum salutem, per vim ablatam et usurpatam, redditum iri: in eum vero finem, et ut tanto certiori et favorabiliiori Regis Christianis-

nisfimi auxilio in hac re uti posset, statuisse ad aulam Gallicam ablegare supra nominatum D. Guefontium, petens has literas ad D. Vestram, ut non modo iis pararetur accessus apud D. Vestram, sed etiam ut eadem, cognitis iuribus et tota causa S. Celsitudinis, apud ministros Regios, D. Guefontio, in commissione alter memorati principis, adiutabilem operam præstaret. Huic S. Celsitudinis benevolæ requisitioni libens morem gerens, longa ipsius causæ et iurium recensio nunc supersedeo; utpote quæ commodius et uberius in loco a D. Guefontio cognosci poterunt. Hoc tamen intermittere et præterire nec possum nec debeo: scilicet quod, quemadmodum Coronæ federatæ plenipotentarii legati, nunc iunctis consiliis viribusque, pro restitutione spoliatorum statuum Germaniæ huc laboramus, et S. Regia Maiestas Suediæ, Domina mea Clementissima, iniunxit nobis, ut quam diligentissima haberetur ratio Celsissimi Marchionis Frederici: ita Regiæ S. Maiestatis propositum et S. Celsi. interesse, Illustrissimo D. Comiti D'Avausio, qui iam dies aliquot in hac urbe degit, meliori modo commendavimus, ut eadem, cum collegis communicata, mutuis operis ad optatum exitum perduceretur. Atque ideo non abs re fuit, quin imo Regiæ Maiestatis Suediæ intentioni et nostris laboribus conveniens, si, imprimis apud Eminentissimum Cardinalem Mazzarinum, æquitatis gloria et authoritate conspici-

cum,

cuum, Dominatio Vestra, in sæpe nominata causa, D. Guesfontio omnem possibilem operam navet. Quam ut promptam fore consilio, ita eidem meam opellam in aliis offero, utpote qui sum et esse volo,

Dom. Vestræ

ad officia quæque paratissimus.

*Post scriptum.*


Nobilissime Domine! Quandoquidem D. Guesfontius, una cum negotio Budensi, etiam illustrium Dom. Comitum de Rappenstein desiderio et interesse proposuit, significans se quoque in mandatis habere ad Aulam Gallicam eadem procurare; pari ratione rogatur D. V. ut cognita ea causa, pro rerum exigentia et præsentis statu, consilium suum operamque commodet. De quo ut non dubito, ita vicissim sum et maneo


D. Vestræ

ad officia amice paratissimus.

Datum ut in literis.

---





nissimi auxilio in hac re uti posset, statuisse ad aulam Gallicam ablegare supra nominatum D. Guesontium, petens has literas ad D. Vestram, ut non modo iis pararetur accessus apud D. Vestram, sed etiam ut eadem, cognitis iuribus et tota causa S. Celsitudinis, apud ministros Regios, D. Guesontio, in commissione alter memorati principis, adiutabilem operam præstaret. Huic S. Celsitudinis benevolæ requisitioni libens morem gerens, longa ipsius causæ et iurium recensio nunc supersedeo; utpote quæ commodius et uberius in loco a D. Guesontio cognosci poterunt. Hoc tamen intermittere et præterire nec possum nec debeo: scilicet quod, quemadmodum Coronæ federatæ plenipotentiarum legati, nunc iunctis consiliis viribusque, pro restitutione spoliatorum statuum Germaniæ hinc laboramus, et S. Regia Maiestas Suediæ, Domina mea Clementissima, iniunxit nobis, ut quam diligentissima haberetur ratio Celsissimi Marchionis Frederici: ita Regiæ S. Maiestatis propositum et S. Cels. interesse, Illustrissimo D. Comiti D'Avausio, qui iam dies aliquot in hac urbe degit, meliori modo commendavimus, ut eadem, cum collegis communicata, mutuis operis ad optatum exitum perduceretur. Atque ideo non abs re fuit, quin imo Regiæ Maiestatis Suediæ intentioni et nostris laboribus conveniens, si, imprimis apud Eminentissimum Cardinalem Mazzarium, æquitatis gloria et autoritate conspici-

cum,

cuum, Dominatio Vestra, in sæpe nominata causa, D. Guefontio omnem possibilem operam navet. Quam ut promptam fore consilio, ita eidem meam opellam in aliis offero, utpote qui sum et esse volo,

Dom. Vestræ

ad officia quæque paratissimus.

*Post scriptum.*

Nobilissime Domine! Quandoquidem D. Guefontius, una cum negotio Budensi, etiam illustrium Dom. Comitum de Rappelstein desiderio et interesse proposuit, significans se quoque in mandatis habere ad Aulam Gallicam eadem procurare; pari ratione rogatur D. V. ut cognita ea causa, pro rerum exigentia et præsentis statu, consilium suum operamque commodet. De quo ut non dubito, ita vicissim sum et maneo

D. Vestræ

ad officia amice paratissimus.

Datum ut in literis.

---



